

Okutwarwa
Yuma, Arizona, USA
Okwaikumi-na-ebiri 4, 1965

1 Eitaagi eri hanu omuri-omuri Yuma, n'omugisha gw'amaani kutunga okuraarikwa oku kw'okugaruka ogundi murundi. Tukatunga obwire burungi, obu tuhereeruka hanu. Reero ku manyirengundi ow'okugaruka ogundi murundi, nyehuriire kurungi munonga, kuhurira obujurizi n'ebigambo ebi birungi ebirikuruga omu bantu, nikishusha nk'ekyakugaruramu amaani kakye.

2 Billy angambiireku ow'eishe-emwe kuruga Las Vegas, obaire naayenda oruteerano okwo aha itaagi eri, kumureeba ahonaaho saaviisi yaahwa hanu. Twaba twine obwire, naagira ngunitubaasa kurabayo, okwo omu Kwokubanza, oruteerane rwa Phoenix rutakabaireho, mwareeba, kuza Las Vegas. Kandi tutuura nitwenda kuzayo.

Nintekateekangu Ow'eishe-emwe Art Wilson akaba atwire okwo, obwire burailingwa obuhingwire, nari obundi akiriyo. Nawe a-akanshaba kuzayo, we n'Ow'eishe-mwekazi Wilson. Tindatungire mwanya, n'ahabw'ekyo shana obu nibuza kuba obwire obu naakubaasa kuzayo.

Mureebe Billy Paul nari Ow'eishe-emwe Roy Borders. Nintekateeka nguaine ahu ari hanu. Hariho owaagamba ku Ow'eishe-emwe Roy arimu. Ow'eishe-emwe Pearry, Lee, nari omweaharibo, nibabaasakubagambira. Batutebeekaniseebiro ebi turaazeyobyonka.

3 Hati, naareeba abaheereza baangi hanu, omwanya mukye ogwahwaho, ekyo ninkishemerererwa munonga kubugana ab'eishe-emwe bagyenzi bangye. Kuri nyine obwire, nkaza owaanyu naimwe, 'habw'okuba nimmanya ku mwine abateeki abarikukirayo oburungi omu ihanga. Ekyo ni kirungi.

Kandi hati, Ow'eishe-emwe Pearry buzima aineho abiri, ekiro eki. Aine amabara abiri agarikumushiisha hati. Rimwe aharigo, n'okucwaho ogwo muzindaaro, aheeru aho. Mbwenu, o-orubanja rwakusinga ahabw'ekyo, Ow'eishe-emwe Pearry. Tindikuteekateeka ngubuzima orubanja rukusingire. Kwonka o . . . Hariho obaire naayenda kugamba. Ekyo kibaire kiri kirungi.

N'ahabw'ekyo, agarukire, yaashohora aheeru okwo yaagaaniira. Yaagira ati, "Mbagambre!" Naagambira Ow'eishe-emwe Collins nari bamwe aharibo. Ati, "Kyakiro ebaire erinungi. Kwonka," ati, "ka mbagambre," ati, "ogwo mushaija naateekwakuba ari Omusipaniya nari ekindi, nari Omumekisiko. Orwo rubaire ruri orushenda orurikushaariirira kimwe oru ndarorizeho." Naagumizamuatylo, kandi abaire naagaaniira n'omuteeki mukuru.

Yaagira ati, "Manya nikiye muteeki mukuru."

Egyo ni Texas, yaanyu. Nituza kumugorora, omuri Arizona hanu, ahanyima y'obwire bukye, (tikwo?), ku araagume haihinaitwe.

Buzima ni kirungi kuba hanu! Ningira nguebyo tibirikuhrirwank'emizaano, kureka n'okushetsya. Kandi, na Mukama Wewenka akaba ashetsya, nimumanya. Akagira ati, "'Herode,' mugyende mugambire muha egyo, mwareeba, muti, 'eriizooba nimbinga-nimbinga baadaimoni; nyencakare ninza kuheza.'" N'ahabw'ekyo, Akaba ashetsya. Mpaho, nintekateeka ngutikikaatukora kubi, rimwe na rimwe.

4 Kandi hati obwire bugyenzireho kakye. Kandi, emirundi mingi, mbu-mbuurira nk'eshaha ina. N'ahabw'ekyo eki, ahabw'okumanya obufura bw'ow'eishe-emwe n'ow'eishe-emwekazi hanu, ab'eitaagi eri, nituza kurigufahaza, ekiro eki. Kandi . . . naagambira Terry, naagira . . .

Yaagira ati, "Ot'enki . . . Tuteho orutambi rw'amaraka rw'eshaha ibiri?"

Naagira nti, "Ngaaha, Terry. Obu n'o-n'obugyenyi." Naagira nti, "Nk'edakiika makumi ashatu nari makumi ana zonka, ngire eki naagambira abantu." Ekyo, nkaagyezaho, n'obu kiraabe, burikaire, ahabw'okumanya ekyo.

5 Obu naabaire ndi omutsigazi muto, abantu bakaba baija kuhurikiza ahabw'okuba nkaba ndi omutsigazi omubuurizi, omunyeeto kwonka, omutsigazi. Kandi bakaba bagira bati, "Mbwenu, nimumanya, Billy Branham n'omwana kwonka, takazaga omu ishomero, taine bwegyese." Bakaba baija kuhurikiza ebigambo byangye ebitashorongire, Orungyereza rwangye rwa Kentucky, na-n'ahabw'ekyoba . . . oku ndikwatura ebigambo nka "teera, tinkiine, yegura, na yekorere."

Nk'omuruteerano rumwe hanu enshumi nkye ehangwire, bakagira bati, "Twena twaza kwemerera tweshongore ekyeshongoro ky'eihanga."

Nkeemerera naagira nti, "Ahabw'eka yangye eya ira ey'omuri Kentucky, hare okwo." Eryo niryo ryabaire riri eihangaryonka eri naabaire nimmanya, n'ahabw'ekyo kikaba kiri ekyeshongoro ky'eihanga, ahariinye.

6 N'ahabw'ekyo hati, ku orikuheza kukura, nabwo, mpaho, itwe, ataahamu, nooteekwa kugira ekintu ekirikukira ahari ekyo. Nimureeba? Nituza kutwara . . . Paulo akagira ati, "Obu naabaire ndi muto, nkaba ngamba nk'omuto kandi nteekateeka nk'omuto. Nootwazank'omuto." Kwonka ku orikuba nookura, obwo otandika, kuteera entambwe zaawe nkye z'okubanza, kandi osinga abarezi ogwa, otyo oimuka oygezaho omurundi ogundi. Reero, ahanyima y'obwire bukye, ohika ahu orikubaasa kuribata kurungi. Ekyo nikyo turikuteekwa kukora, nk'abaserukare b'omusharaba. Hati nibwo bwire bw'okugyenda kurungi, omuri ogwo muhanda rugyendwa

ogurikuza omu Iguru.

7 Niinyikiriza ngu tutwire omu kicwekaky'ahamuheru ky'ebayaayo by'ensi egi. Omu mazima niinyikiriza ngu Okwija kwa Mukama kwiriire haihi, obundi shana,n'okukira oku turikuteekateeka. N'ahabw'ekyo hati, ahabw'edakiika nka makumi ashatu zonka z'obwire bwanyu, nari nk'ezo, niinyenda kubaijutsya Ekyahandiikirwe eki ndikwenda kukozesa ahabw'eishomo, kandi-kandi njurizen'ebindi bingi hanu. Na . . .

Nshutami omuka,ijweri, mbaire nintekateeka aha kiteekateeko eki.Reero naateekateeka nti, "Mbwenu, tindikumanya, kugamba ndikwiha omu Kyahandiikirwe eki kyona.Ninza kutwara ekicweka Kyakyo kyonka, ahabw'ezo saaviisi nkye ngufu nk'ezo twaza kugirahoekiro eki."Niinyenda kugamba ekintu kimwe, muriyonimubiikuuraomu kitabo kya Zaaburi.Ey'o-ey'okubanza . . . Zaaburi ya 27, niinyenda kushoma emishororongo etaano, y'okubanza.

8 Niinyenda kugamba eki, ekirikukwata aha mataagi agaag'abashuubuzi aba Full Gospel.

Ow'eishe-emwe mugyzenzi wangye Pearry abaire naagamba ahabitabo n'ebindi, kandi n'ebitabo bisya ebi baine. Ni bangahi abarikwiju obu twabaire twine orutambi rw'amaraka, kandi nkabuurira hanu omuri Phoenix, omu ruteerano rumwe, aha mutwe ogurikugira guti, Baasebo, Ni Bwire Ki?Hati, okwo nikwo kwabaire okutandika kw'ekitabo ekyo, mwareeba, obu ebi . . . eki kibaho.

Hariho okweyoreka kwingi munongaokurengire eby'obuhangwakw'Ekigambo kya Ruhanga ekihandiikirwe, kw'obwire obu, ahabw'ekintu kutatwirira haihi hati. Nitu . . . Nikyeyorekyera kimwe buzima. Ebuntu ebi mu . . . Kikaaba ekirikutangaaza munonga, ahariimwe, kubamanyisa kwonka ebirikubaho buzima. Baingi omuriimwe, abagyenyi, obundi, muhurira abashaija aba nibeemerera kandi nibagamba-nibagamba ebigambo ebi, ahari, "Obutumwa bw'obwire obu," n'ebindi. Eki barikumanyisa, n'okuraganisa kwa Ruhanga kw'obwire obu, okuYaaraganiise ebi Arikora. Kandi Nitumureeba omu Byahandiikirwenaahamyu buzima ebi Yaagambire nguAryakora, omu muringo ogwo.Bikahanuurwa, nibihikiirira kurungi buzima, buri kaire, ahabw'okuba ni Ruhanga orikubigamba.

9 Omuntu,tindikufayo n'obu yaakuba ari oha, ku yaakugyezaho kuteebereza atyo, hariho omugisha gumwe omu miriyoni ikumi. Omuntu ku yaakukugambiranguekintu nanka nikiza kubaho, ngu nikiza-nikiza kubaho obwire nanka; ni gumwe omu miriyoni ikumi. Reero n'omwanyaahu kiraabe, niguba omugisha gumwe omu miriyoni igana.

Kandi n'obwireobu kiraabeho, n'okugumizamu, n'omuringo ogu kiraabemu, n'oku kiraabeho, n'ebindi, tokaakiteebereza otyo. Ku turikukireeba nikibaho buzima,buri kaire, obwo ni Ruhanga.

Reero tugarukira kimweomu Byahandiikirwe.Nikibaasa kureebeka kiri kisia ahariitwe.Kwonka tugaruka omu Byahandiikirwe honyini, tutarikumanya nangwa n'ah'okureeba, reero Omwoyo Orikwera aihayo Ekigambo kandi akibuganisahamwe, ateera ekishushani aho kutworeka obwire obu tutwiremu. Nituhindura obusingye.

10 Turi aha-turi aha koona.Kyanguhi omuntu ku aba naateera ekoona, orikwombekyesa amatafaari, yaaba naateera ekoona. Omu kutandika,buri muntu ataho amatafaari omu runyiriri rumwe, nk'ekigombe ky'ediini nanka oku kitandika, kityo kitandika kugyenda omu maisho, nikiba kiri kurungi. Kwonka,ku orikuhiha aha koona ezo, ahu orikuteekwa kugaruka orubaju orundi!

Hati, Ruhanga tarikwombeka ekisiika. Naayombeka enju, mwareeba, kandi hariho eby'okushara bingi n'ekoona nyingi ezi Yaaragwireho hanu omuri Baiburi.Kandi ezo koona, omuntu weena naabaasa kugyezaho kuteera ekoona, kwonka niziteekwa kuba nk'oku puraani eri.Kyaba kitari kityo, neeteekwa kugaruka esheenye.

11 N'ahabw'ekyo ni-nitusiima Ruhanga ahabw'oburungi Bwe n'okukwatanisa kwanyu bantu'mwe,kandi n'eniyigi eziigwire ezi Mukama atuhaire, okurabira omu bashuubuzi aba. Obutoosha mpamisiriza ku nta-ntarikwikiririza omu . . . niinyikiririza omu bantu abari omu bigombe by'amadiini. Kwonka tingira bwire bwingi bw'okuhaburaebigombe by'amadiini, ahabw'okuba buri kimwe kyeyombekaho orugo okukyetooroora.

Kandi-kandink'oku, ningira ngu,n'ekitebyo kigufuky'Ow'eishe-emwe David, obu yaabaire atungire embaata, akagira ngu omugyera gukajura. Kandi buri mbaata, nimumanya,zikaba nizenda kukwatanisa hamwe, kwonka zikaba zitarikubaasa kukikora ahabw'okuba zonna zikaba zizitiriirwe omu rugo. Kwonka amaizi ku gajuriire kimwe, gaazeereeza ezo mbaata zaaruga omu kiju.

N'ahabw'ekyo ni-nintekateekanguogwo nigwo muringo gw'okukikoram. N'amaizi okwijura kwonka, mwareeba, obwo nitubaasa kuruga omu kiju kandi-kandi tukwatanisehamwe, nimumanya, tugire rukundo y'amazima ya Kristo omu mitima yaitu.

12 Kandi ekibiina eki ky'abashuubuzi ba Full Gospel ki-kitwire nikimpwera. Ahabw'okuba, emirundi mingi . . . nintekateeka ngunyine ab'eishe-emwe, ab'eishe-emwe barungi omuri buri kigombe ky'ediini abu ndabugaineho: Abapuresibateeri,Abaluteeri, Ababaputisiti, Abapentekoote, emiringo yoona etarikushushana y'Abapentekoote, aba church of God, n'Abanazaraayo, Pilgrim Holiness. Ab'eishe-emwe barungi, hoona hoona. Kwonka, emirundi mingi, tibakaanyakiira omu kibiina kyabo, ahabw'okuba, nimureeba, tikugira ngu tibarikukiikiriza, kureka,

nimureeba, kikaabacwa aha kigombe kyabo ky'ediini. Kandi ku orikukora ekyo, tihariho kubanganisa, ekyo-ekyo nikikikora.

Hanu enshumi nkye ehwiringire, hariho ow'eishe-emwe Omumetsodisiti owaanyizireho, tindaagambe eiziina rye. Omushaija murungi, akaba naahandiikaeki arikuteekateekaaha kutamba kwa Ruhanga, reeroyaanyijahokugira ngu tu-tugaaniire. Twashutama twagaaniiraho kakye. Yangira ati, "Ekintu kyonka eki turikufa naiwe, oguma n'abo Bapenteekoote obwire bwona."

Naagira nti, "Kyaba kiri kityo, ekanisa y'Abametsodisitin'ekishagikye.Ninza kwija."

Ekyo kikabaekindi. Mwareeba? A-akagira ati, "Mpaho, hatariho kubanganisa, ti-tindi kanisa y'Abametsodisiti.Ndi memba waabo kwonka."

Naagira nti, "Nikyo ekyo.Waareeba? Nibo, Abapenteekoote, nibo barikwigura enyigi zaabo. Mwareeba? Abo nibo ndikubaasa kuhikaho. Kandi boona abarikwigura, ahabw'enki, tweteekateekire kutaahamu."

Nk'omu kitabo ky'Okushuuuruwa, eshuura ya 3, nihagira hati, "Nyemereire aha rwigi nindukongoota niinyiguza.Omuntu weena ku araigne orwigi, Niinyija kutaahamu ndye."Ogwo akaba ari Yesu. Itwe twena nitumanya ku ogwo yaabaire ari Kristo, kandi Niwe Kigambo.Ago n'amazima. Niwe Kigambo.

13 N'ahabw'ekyoekibiina ky'abashuubuzi ba Full Gospel kitwire nikimpwera ahu turikubaasa kuteeranira. Tihariho makanisa agarikukishagika. Abo boona, hamwe, n'a-abantu abarugire omu makanisa, reero tweteerana hamwe tukwatanisa, omu nsi yoona, hoona hoona.

Kandi nyambire kutandikaho amataagi maingi,maingi munonga omu nsi yoona, g'ekibiina eki eky'Abashuubuzi ba Full Gospel. Ninsiima ahabw'omugisha ogwo ogu naahairwe. Omwo, abashuubuzi nibakishagika. Obwo, amakanisa goona, ge-gendakwija, oku biri kwona.

Kwonka, kandi, ku . . . tiinyendana kakye kugyezaho kukurura omuntukumwiha omu kanisa ye. Guma omu kanisa yaawe kwonka ojanjaaze Omushana. Waareeba?Ba Omukristaayo kashushu.Omuriisa waawe naaza kukusiiima.Orikwera kashushu, omwesigwa, ow'amazima, omuntu weena orikwikiriza Ruhanga naija kusiima omuntu nk'ogwo.Eego.

Hati, ninsiima ow'eishe-emwe hanu, n'omukazi we, n'eitaagi eri, ahabw'omugisha ogu. Nkaabaasibwaki eitaagi eri ryeyongyera. Ninshaba nguemigisha ya Ruhanga erigumeho, ribe ekikozeso omu mikono ya Ruhanga, kujuna amagana n'amagana g'abantu Okwija kwa Mukama kutakabaireho; naimwe amataagi agandi goona nari abajwekyerwa abari hanu kuruga omu mataagi ago.

14 Omu Kitabo kya Zaaburi, hati, niinyenda kugamba aha ishomo e-eritari rya burijjo buzima, ekiro eki, ahabw'obwire bukye. Nyine Ebyahandiikirwe bikye ebihandiikirwe hanu. Mba-mbaire ninteekateekanguobundi, ekiro eki, ninza kugamba aha kintu ekindi. Kwonka, nindeeba obwire nibuhwayo, ahabw'enki, mbaire ntarikwenda kuykerererwa ntyo, n'ahabw'ekyo mbiikwire hanu naatunga Ebyahandiikirwe bikye ebindi. Kandi niinyenda kugamba aha ishomo rya: Okutwarwa. Mwareeba?

15 Hati, nitwikiriza ngu haryabaho Okutwarwa. Abakristaayo boona nibakiikiriza, abo abashomi ba Baiburi, nibaikiriza ngu haryabaho Okutwarwa.

Hatiokushoma ahabw'okutaho omusingye, twaza kushoma ekitabo kya Zaaburiya 25. Nimmanyisa. . . munsaasire. Zaaburi ya 27, omushororongo gwa 1 kuhitsya aha gwa 5.

MUKAMA niwe mushana gwangye kandi okujunwa gwangye; n'oha ou nditiina? MUKAMA niwe maani g'amagara gangye; orintiinisa n'oha?

Enkozi z'ebibi ku zampururiire kummira,nibo bazigu bangye n'abarikuunyanga,bakateera entsibo,baagwa.

N'obu engabo zaakuteeka enteeko kundwanisa, omutima gwangye tigukaatiina; n'obu orugamba rwakumbaho, hoona nabwo nkaaguma omutima.

Ekigambo eki nshabire MUKAMAni kimwe, kandi nikyo ndiguma ninsherura; nikwo kuguma omu nju ya MUKAMA ebiro byona eby'amagara gangye, okureeba oburungi bwa MUKAMA, n'okwehanuuza omuri hekalu ye.

Ahakuba aha izooba ry'okureeberaho enaku aryandindira omu mubonano omu kibanda kye, omu bweshereko bw'ehema rye nimwo arinshereka, akanyimutsya, akanyemereza aha rukiri.

Mukama ayongyere emigisha Ye aha Kigambo Kye ekyashomwa.

16 Hati, eriizooba,okugamba aha ishomo eri, kandi hati bamwe omuriimwe obundi nimubaasa kutaikirizana naanye, ei naaza kutoora. Kwonka ni bangahi abari hanu abarikwikiriza ku Baiburi eyegyesa ngu haryabaho Okutwarwa kw'Ekanisa? [Abateeraine baagira bat, "Amiina." -Omur.] Eego, sebo. Ago n'amazima, buzima, okubakurwa kw'Ekanisa. N'obu waakuba ori Omumetsodisiti, Omubaputisiti, Omupuresibateeri, nari eki ori kyona, Omupenteekoote, haryabaho okubakurwa.

Kandi nintekateeka ngu, omu kugamba, ti-tingyezaho kwemerera hanu kugamba ekintu eki ndikuteeteeka ngu nikibaasa kuschemeza abantu konka. Tinkagiraga rubanja rw'ekyo. Niinyenda nyemerere hanukandi ngambe ekintu nk'oku ndikuhurira nyebembeirwe kukigamba, eki ndikuteekateeka ngnikiza kubahwera, ekintu ekirikubaasa kwenegyeza obumanyi bwanyu na Ruhanga, ku oraabeoriOmukristaayo; kandi ku oraabe otari Mukristaayo, kitume waakwatwa enshoni nyingi, nikwo ohindukye Omukristaayo. Kandi ekyo nikyo kignydererwa obutoosha eki ngeyeho kushoronzya ebiteekateeko byangye, nk'oku Mukama arikuba naanyebembera.

17 Hati, nituraburwa, ku Enyegyesa y'Eki omu biro by'ahamuheru eryagaywa. Ku muraabe nimubaasa, reka Ekyo tukishome, akaanya kakye konka. Kiri omubaraha ya Petero eya Kabiri, eshuura ya 3. Eki katukishome akairekaky. Eshuura ya 3, n'omushororongo gwa 3 n'ogwa 4. Reka tureebe yaabaekikitari mazima.

Mubanze mumanye eki ngu, omu biro by'aha mperu haryaija abagaaniizi abarikugaaniiza, nibakuratira okwetenga kwabo okubi,

Nibagira bati: Ku yaaraganiise kwija! Mbwenu arahi? . . . okwiha obu baatatenkuriitwe baagwejegyera, byona bituura nk'oku byabaire biri aha kutandika kw'okuhangwa kw'ensi.

Ahakuba nibabyeyebesa nkana, nibamanya ngu hakaba hariho eiguru okuruga ira, n'ensi eyaahangirwe ekigambo kya Ruhanga okuruga omu maizi kandi amai- . . . kandi ekaguma eri ahagati yaago:

Esi eyaabaire . . . eriho ekagaruka yaashwekwa amaizi g'omwegymure, yaamirwa:

18 Hati nitureeba ngu, enshongaerikutuma eishomo eribataaritwaramu nk'ekintu kikuru, n'ahabw'okuba ngu nabi hanu akagamba ku omu biro ebi by'aha mperu abagaaniizi aba baryaija nibagamba ebintu ebi. Mwareeba? Kikahanuurwa, niyo nshongaahabw'enki abantu eriizooba nibatwaza nk'oku barikutwaza. Ahabw'enki, hatariho kubanganisa ekyo okitegyereize, ahabw'okuba ekyo Baiburi ekakigamba. "Omu biro byaha mperuabantu baryaba engangaazi, abarikwekuza, abarikukunda kweschemeza bonka okukira Ruhanga; abatarikwenda kugarukana n'abandi, abarikubeihererana, abatarikweyangisa, abarikwanga ebirungi; abaine enshusha y'okutiina Ruhanga, kwonka bahakanisaAmaani ge: abantu nk'abo obeetantare." Nitubaasa kusheruraabarikutooreza Amazima? Buzima.

19 Obu Musa yaashuumma Misri, kucungura Abaisraeli, aine enkoni yonka omu ngaro ze nk'eky'okuhamya, naRuhanga w'Eiguru ari enyima ye, akakora eky'amahano. Ku yaakikozire haarugayo abarikutooreza bamukuratiire, nibakora ekintu ekyo kyonyini eki yaabaire akora. Nimureeba? Hati, bakakurataho, yaabandize kukikora. Bwanyimabairira haihi, ahabw'okuba bakaba nibatooreza eki yaabaire akora, nibatooreza ekyo ekyabandize. Nitukireeba.

Kandi hati noogira oti, "Hati, ekyo kikaba kiri omu biro bya Musa."

Kwonka Ekyahandiikirwe nikyo kimwe nikigamba ngu baryagaruka babeho omu biro by'aha mperu. "Nka Yane na Yambere oku baahakanise Musa, nikwo n'abantu aba abaine obwengye obutarikusiimwa kyahika aha Mazima." Mwareeba? Okutooreza, ebintu by'emiringo yoona kutabangura abantu. Kandi obwo ku . . .

Okutwarwa oku okurikuza kubaho, na buri kintu eki Ruhanga aine ekishorongire n'Ekigambo Kye, obutoosha habaho ekintu ekiija Kukitabangura ku baakubaasa. N'e-n'e-n'ekignydererwa kya Sitaane kukora ekyo.

Nk'oku ow'eishe-emwe hanu, okuruga omu ruteerano okwo omuri Las Vegas yaagambire ati, "Sitaane akagira ngu ensi n'obukama bwe, kandi-kandi ngu egoy n'entebe ye nkuru eruguru okwo."

Nimmanya ku Sitaane ari ruhanga w'ensi egi. Buri ihanga eriri ahansi y'eiguru niwe arikuritegyeka. Buzima. Ensi egi n'eya Sitaane, kwonka Yesu aryagitwara. Akagimuha eizooba rimwe. Yaagyanga, kwonka, Yaagamba, 'ahakuba Akaba naamanya ku Aryagihungura omu bwire oburikwija.

20 "Abagaaniizi." Ka tukwate ekigambo kimwe ekyo ahaw'akaanya kakye, tutakagiire hare. Abagaaniizi!

Nkaba ninshoma orupapura rw'amahurire, nka saabiiti ibiri ezihingwire, omuri Tucson, ahu omushaija omwe Omungyereza kuruga Bungyereza yaagambire ebigambo. Kiri omu mitwe mikuru omu rupapura orwo, ngu okubambwa kwa Mukama waitu Yesu Kristo kugingirirwa kwonka, ahagati ya Pilaato na Yesu, ngu Akaija ku . . . Kwehindura ekintu nanka kusha. Kandiekkyo tihariho omuringo gwona ogu turikubaasa kukibaikiririsa ku kitarikwo, ahabw'okuba ebintu byona ebya Ruhanga nibiteekwa kwakiirwa n'okwikiriza. Nituteekwa kukiikiriza. Hati, akagumizamu yaashoboorora oku ekyo kirikubaasa kukorwa.

21 Hanu enshumi nkye ehangwire, omu ihanga eryo rikuru, London, omuri Bungyereza, nimmanyisa, ahu John Wesiliogwo na Charles, na baingi ahari abo babuurizi b'amaani ab'omu biro bya kare, Spurgeon n'abo, baabuuriire Engiri omu butare bw'obunyaatsi bw'ente na hoona hoona okwo. Bakanga obwo butumwa bw'ebiro byabo, mbwenu reeba okubari ebi.

Okwo niyo Ow'eishe-emwe Williams n'abo abandibari ekiro ky'eriizooba. Ni rimwe aha mahanga agarikukizayo emicwe mibi omunsi. Ngiire hoona omu nsi, kwonka tindikumanya ahantu hoona ahaine emicwe

mibi nka Bungyereza.Ni . . . Billy Graham nawe akakigamba.Ahabw'enki, kikamwetaagisakwiha omukazi we omu myanya y'okuruhuukiramu y'obunyaatsi n'ebimuri, oku e-e-eby'okumanyana kw'abashaija n'abakazi byabaire nibikorwabutunu, omu myanya egyo y'okuhuumuriramu.Obu naabaire ndiyo, tinkareebaga ekintu kyona ekyakubaasa kucwa omutima gw'omuntu ekirikukira ebyabaire nibikorwa omuri Bungyereza; eyaatungireho omugisha, kandi, rimwe, ekeebembera ensi omu kuhunduuza.Nikyoreka oku erikubaasa kugwa.

Kwonka, nimureeba, ekirikukireeta, obutumwa obwarangirwe buri, Abangyereza nibagyezaho kuramatira aha butumwa obwon'eriizooba. Obwo tibukaakora eriizooba. Tibukaakora. Nikibaasika kita . . .

22 Mbwenu shi kuri Musa yaizire,kuri yaareetsire Obutumwa bwa Noa akagira ati, "Nitusa kwombeka emeeriezeereere aha mugyera gwa Kiira"? Tikikaakozire.Nikwo n'Obutumwa bwa Yesu bwabaire butakaakora omu bwire bwa Musa. Kandi nikwo n'Obutumwa bwa Wesilikutakaakozire omu bwire bwa Luteeri; nari obwa Luteeri Wes- . . . obutumwa, byombibityo.

Kandi itwe, eriizooba, okuhunduuza okw'ahamuheru kwaitu kukuru kukaba kuri Pentekoote.Eriizooba nitukurugaho. Kandi obutumwa bwa Pentekoote tibukaajwanga n'Obu, ahabw'okuba n'erindi izooba.Kyona n'Ekigambo kya Ruhanga, kwonka nikyombekwa.Nk'ebigyerere, emikono, nikikura, nikikora Omugore ahabw'Okutwarwa.Mwareeba?Ota-otaiha abantu abo enyima okwo omu mwanya gwabo; bakatuura Obutumwa bwabo. Boona baryarugayo, abaabaire bari omu Mugore.

Nk'oku amagara agarikuraba omu mushengye gw'engano.Garuga omu ngano, omu kishushu, kwonka engano eyekora nk'enjuma y'engano eyaagwire omu itaka.

23 Hanu enshumi nkye egingwire, nkaba ninshoma ekitabo eki Omugirmaani omwe yaahandiikire, naakyema. Akagira ati, "Omuri boona aba-abarikurengyesereza omu kwikiriza omu nsi, William Branham naabeeshumba boona." Ati, "Ahabw'enki, tari kindi kureka o . . . N'o-n'omufumu. Akora ebintu ebi." Mwareeba, omuntu ogwo, taine ki arikumanya.

Reero, kandi, ogwo mushaija akaba ari omuhakani. Akaba atarikwikirizaRuhanga. Akagira ati, "Ruhanga owaayeshutamiire omu busingye bw'omwrima, akakwatira emikono Yeahaibondo, akasheka obwo ekibiina ky'Abakristaayo;bari abakazi abazaire, n'abaabaire nibateekateekwaho kuba abeegi Be; abakaziabazaire abaabaire baine abaana bato n'ebintu, akareka entare zikabarya; ateehigye na kakye." Nimureeba ahu obwengye bw'obuntu, ahu obwegyese n'ebindi, bitarikubaasa kwetegyerezaekirikukorwa?[Abateeraine baagira bat, "Amiina." -Omur.]

24 Egyo njuma y'engano ekaba neeteekwa kugwa omu itaka. Nk'oku naYesu yaabaire naateekwakuuikwa, n'okuzooka, nikwo n'ekanisa ya Pentekoote yaabaire neeteekwa kuziikwa. Ekaba neeteekwa kuza omu itaka, obwo busingye bw'omwrima. Engano yoona eri . . . Enjuma yoona erikuza omu itaka, neeteekwa kuguma omuri obwo bwire bw'omwrima, ebone kumera.

Kwonka ekatandika kutooka omuri Martin Luther.Yaagumizamu omuri Wesili.Etyo yaataaha omuri Pentekoote.Hati eriyo, neeza kuba enjuma.Kandi hati entwaza z'ebigombe by'amadiini ebyatsigirwe enyima, n'emishengye, nikyo ekyo kyonka.N'ey'okwokibwa, egyo ntwaza y'ebigombe by'amadiini.Kwonka enjuma y'engano y'amazima eyaarugire omuri okwo kuhunduuza kwona neija kutwarwa omu Mugore. Boona hamwe nibaija kukora Omugore.

25 Hati nitureeba, okwo omuri Bungyereza, bakatooreza okubambwa, enshumi nkye egingwire, ekibiina ky'abantu abo, ago maraingwa. . . abaana abaine ago mashokye maraingwa n'ebindi, nibamuza,nibeeta Yesu bat "tata-oyee" n'ebintu ebyo byona. Ka n'oburofa!

Hati noogira oti, "Okwo n'omuri London, Bungyereza."

Reeba ekibaire kiri omu mpapura z'amahurire saabiiti ehweire, hanu omuri Amerika. Dokita omwe mukuru omu by'ediini, kuruga omu ishomero rirungi, agizire ngu o-okubambwa kukagingirirwa. Yaagirangu, "Yesu akagyezaho Kwehinduraatyko kwonka; ngu Akaba anyweire ekishaka ekibarikweta amadudaimu.

Kandi nitukireeba omu kitabo ky'Okutandika, ahu kirikugambwaho.N'ekishaka ekirikushushana n'enjaayi nari ekindi.Nikishangwa omu nsi z'oburugwa-izoobaokwo omuri Asia. Ku orikukinywa, nikikugwejegyeza. Obundi . . . Oba nk'ofire, ogwa kihuumura, na buri kimwe, kumara ebiro bibiri nari bishatu bikurataine.

26 Yaagira ati, "Obu Baamuha viinyo erikushaarira n'omubazi ogurikwetwa sumuruna, nikibaasika ku ekyo kyabaire kiri ekishakaky'amadudaimu. Kandi ku baakikozire, ekyo ku Baakimuhaire,Yaagwa kihuumura nk'Owaafa. Baamuta omu kituuro, Baamurambikamu. Ahanyima y'ebiro bibiri nari bishatu, buzima, ku baagarukireyo, obwo Akaba yaasisiimukire, yaabaire kurungi." Agumiizemu ati, "Akaza okwo India yaafeera okwo, orufu rw'obutoosha, naagyezaho kugingirira ediini."

Eky'okubanza, ogwo muhakani, abantu babaire ki?Nimureeba, n'ebiro ebi ebi tutwiremu, eby'abagaaniizi, mwareeba, ebiro by'okuhikiiriza obunabi.

27 Ruhanga akateeraho buri busingye ekipimo ky'Ekigambo Kye, kandi buri busingye obwo bushemereire kuyyoreka. Kandi nabwo akateeraho obusingye obwo abantu ira batakabaireho, kuhikiiriza ekyo Kigambo. Buri

bwire ku yaabaire agyera Ekgambo Kye akakitaho, Akaba ataho omuntu Ahabwakyo. Ku Yaataireho obwire bwa Musa, akataho MusaAhabwakyo. Ku yaataireho obwire bw'Omwna wa Ruhanga kuzaarwa, Yaamutaho ahabw'obwireobwo. Buri busingye, akataho omuntu We, owaamanyirwe ira atakabaireho, nk'oku Baiburi erikugira. Tihariho . . .

Ruhanga ku araabe ataine bugarukiro, ari Ow'obushoboorozi bwona, ow'amaani goona, ari hoona hoona, arikumanya byona, ahabw'enki, Akamanya ebintu byona kuruga omu kutandika. N'ahabw'ekyo, Akaba naamanya. Tihariho ekitari omu buteeka. Niitwe abarikuteekateeka ngu biri bityo. Buri kimwe nikigyendagye. Muranzye enyima omu Kigambo Kye mureebe eki Arikukora, obwo nitwija kwetegyereza.

28 Hati, muteekateekye kwonka. Eky'okubanza, kuri ogwo muheereza yaateekateekire, ku baateire egyo viinyo erikushaarira n'omubazi ogurikwetwa sumuruna omu kanwa Ke, akabicwera. Tarabinyweire, okubanzakwa byona. Mwareeba? N'abagaaniizi kwonka abarikwimuka! Ekindi kintu, Yesu wa Nazareesi ogu, amagara Ge gakahikiiriza gye gata buri bunabi bw'Endagaano eya Ira? Kikaabaasikire kita? Kikaba kitarikubaasika kuri kitatairweho Ruhanga. Amagara Ge gakahikiiriza buri bunabi bw'Endagaano eya Ira. Ekindi kintu, abeegi abo kuri baabaire Bamugingiriire batyo, ahabw'enki buri omwe omuribo yaafeereire okwikiriza? Nangwa n'entumwa Petero akagira ati, "Muncurikye omutwe. Tinshemereire kufa Nkawe." Oku baatwaire Anderea bakamukiika aha musharaba. Bo, buri omwe, bakakoma n'akamanyiso okuhamyakwabo omu shagma yaabo. Bakamwikiriza kandi Baamukunda, kandi baahayo n'amagara gaabo Ahabwe. Kuri yaabaireagingiriirwe, bakaabairenibafeera ki? Mwareeba? Kukireeba omu buryo bw'omwoyo, abantu tibarikuyetegyereza.

29 Hanu haabairehariho omushaija w'amaani hanu, enshumi nkye ehwiringire, rabi mukuru owaahandiikire ngu, "Musa, ku yaabaire naara omu Nyanja Erikutukura," ati, "omu mazima gakaba gatari maizi. Amaizi tigarakozire ekisiika." Ati, "Eki kyabaire kiri, okwo ahamuherugw'orubaju ruriorw'Enyanja y'Omwnonyo, hakaba hariyo embingo nyingi. N'ahabw'ekyo akaraba omu maizi g'embingo, embingo z'omu maizi. Omwo hakaba hatarimu maizi. Zikaba ziri embingo nyingi kusha, enyanja mpango y'e-y'embingo ei baarabiremu." Kandi abatendekirwe eby'ediini baangi nibakiikiriza, bo, kandi bakyakiira.

Hanu enshumi nkye ehwiringire, obu omuntu w'okubanzaogu orikugyendera omu kijungirizi yaagiire omu kaabunga, akagaruka, kandi ngu tarareebire Ruhanga nakaky. Ekyo nakyo kikahindura okwikiriza kw'abaheereza. Bakaba bateekateeka ngu Ruhanga atuura ahaiguru okwo ahantu nanka, mahiro igana na makumi ataano ahaiguru.

30 Ahabw'enki, mugyenzi, obwegyese n'obwengye bw'ensi egi ka bihindwire ekanisa ekabiina ky'abantu abarikuhabisa! O . . . Obwegyese bwayo n'entwaza y'obwegyese, sayansa n'okuhutuuka, n'ebya Sitaane. N'okuhutuuka kwa Sitaane. Baiburi nikwo erikugira.

Kandi Okuhutuuka kwaitu okurikwija tikurigira kakwate koona n'okuhutuuka oku, nakakte. Tikwine kakwate koona nakwo, nakakte. Haryabaho Okuhutuuka kw'omutaano, n'okuhutuuka oku okw'ensi egi ya sayansa ei twine. Oku sayansaerikweyongyera, oku turikweyongyera kuba aba sayansa, nikwo turikweyongyera kuza mu bintu by'okufa, emitego y'okwita, na buri kimwe. Omuri okwo Kuhutuuka okusya, tiharibamuokufa, oburwaire, amaganya, nari obusaasi. Mwareeba? Okwo Tiharibamuna kimwe. N'ahabw'ekyo okuhutuuka oku kuryahwerekyerezibwa, ahabw'okuba n'okwa Sitaane.

31 Nitreeba, ngu omu kitabo ky'Okutandika 4, ngu abantu ba Kaini bakatandikaho okuhutuuka, nibombeka ebirorero n'endembo, n'ebindi, n'ebikozeso by'okuzina, batyo baaba abanyasayansa. Kandi abantu abo bakaza hare na Ruhanga, kunu bari abanyadiini. Kwonka abantu ba Seezi ku baabaireho, bakatandika kwija, kutakira Eiziina rya Mukama.

Aha, kyo gamba ahari egyo nyabwengye!

Tindihanu kugira ou naashaasha, kugira eki naagamba aha kanisa nanka. Ku oraabe ori hanu, haza ori memba w'ekanisa egyo, tindikugamba eki kukushaasha; 'hakuba hariyo abantu baangi barungi, nk'oku bari omu makanisa agandi. Kwonka mbaire ninshoma omuri Shreveport saabiiti ehweire, ahu ekanisa y'Abakatoriki egambire ekigambo.

Kandi nitreeba ahu boona barikuteeranira hamwe hatiomu rukiiko rukuru rw'obumwe bw'amakanisa, n'ebindi, kuhikiiriza ekyo buzima eki Baiburi yaagambire ngubaryakora. Nikwo buzima.

32 Hati nitreeba ngu bakagira bat, "Ahabw'enki, Baiburi . . ." Bamwe aha Bapurotestante nibenda kuramatira ahari egyo Baiburi. "Ahabw'enki," bat, "Baiburi ti kindi kureka ekitabo, ebyafaayo by'ekanisa, kandi bakaba batagiine omumuringo gw'ekitabookuhitsya nk'emyaka magana abiri na makumi ataano ehwiringire. Etuura eri ekanisa." Bat, "Ekaba eri ekanisa, ti Baiburi, kandi Baiburi n'ebifaayo ebi ekanisa yaakozire kwonka." Ekyo ka n'ekishuba ky'oburyarya! Ahabw'enki, tutwire na Baiburi kumara emyaka enkumi ishatu. Endagaano eya Ira ekahandiikwa omu Byahandiikirwe, emyaka amagana n'amaganakristoatakabairekwija. Ka n'ekintu ky'oburyarya kya Sitaane!

33 Nitreeba omu biro ebi, obu okuhakanisa Baiburi oku kubi munonga n'okugishekyerera, n'okugyezaho Kugihaho, Ruhanga naateekwa kugira eki yaacwisaekanisa orubanja. Takaabaasa kuba omuringaniza . . .

Tibakaaza omu ruguuto rw'omururembo oru bakankwata, bakagira ngu ninvuga sipiidi ya mahiro makumi ashatu buri shaaha omu kieweka ekyateereirweho sipiidi mahiro makumi abiri buri shaaha, kureka haaba hariho ekintu aho ekirikungambira ku niinyikirizibwa kuvuga mahiro makumi abiri zonka. Nikiteekwa kubaho.

Kandi Ruhanga naaza kucwera ekanisa orubanja, naaza kucwera abantu orubanja, ekiro kimwe. Ekyo nitukimanya. Hariho okucwerwa Orubanja okurikwija. N'ahabw'ekyo ku Araabe naaza kucweraekanisa orubanja naakozesa ekanisa y'Abakatoriki, ni kanisa ki y'Abakatoriki? Ku Araabe naaza kugicwera orubanja naakozesa ey'Abametsodisiti, obwo ey'Ababaputisiti ebuzire. Ku Araabe naaza kugicwera orubanjanaakozesa ey'ab'obumwe, ey'ab'obubiri ebuzire. Mwareeba? Aryagicwera orubanja naakozesa ki? Akagirangu aryagicwera orubanja naakozesa Kristo, kandi Kristo niwe Kigambo. N'ahabw'ekyo n'Ewigambo kya Ruhanga eki Ruhanga arikosesa, kucwa orubanja. "Bwa mbere na mbere hakaba hariho Kigambo, Kigambo ogwo akaba atuura na Ruhanga, kandi Kigambo akaba ari Ruhanga. Kandi Kigambo ogwo yaaba omuntu, yaatuura naitwe. Tahinduka; oku abaire ari nyomwabazyo, n'eriirooba nikwo ari, kandi nikwoariguma ebiro byona." Mwareeba? N'ahabw'ekyo, Aryagicwera orubanja naakozesa Ewigambo Kye.

Kandi hati nitureeba nguomu biro ebi, obu barikugyezaho kwiha Baiburi, "Nitwakiira ekanisa. Baiburi; Titurikugyenda. Ekanisa," n'ahabw'ekyo nibabaasa kukora enyikiriza y'omuringo gwona nari ekintu kyona ekindi, n'okukigyenderamu.

34 Mbwenu, nk'oku mbaire ningamba ekiro kiri omuri Shreveport. Omuri okwo-okwo kushebera, ku baabaire baita ekyo kitambo ky'omwana gw'entama, hakaba hatashemereire kubaho "ekitumbisa omuribo, kumara ebyo biro mushanju byona," hatarihokitumbisa, hatarihomugaati ogurimu ekitumbisa. Buri kintu kikaba nikiteekwa kutabamu ekitumbisa. Ekyo kikaba nikijwekyera obusingye mushanju bw'ekanisa obu turikushanga omu kitabo hanu, kandi tiharimu kitumbisa. Oti ki? N'ekintu ekijwangire Nakyo. Nitujwanga enyikiriza n'ekigombe ky'ediini, na buri kimwe kyona, n'Ewigambo, kwonka nabwo tugyezaho kukyeta Ewigambo. "Hatabaho kitumbisa omu biro ebyo mushanju byona."

35 Kandi nangwa n'eky'okuriibwa eriizooba, otagyeyezaho kukibiika okuhitsya omu kasheeshe. "Okyotsye n'omuriro, butakasheeshire," habw'okuba hariho Obutumwa busya oburikwija, hamwe n'ekintu kisyia. Mwareeba, kugyezaho kukibiika, kwonka egyo niyo etwire eri emitwarize y'ekanisa. Okusisiimuka kubaho, kandi ekintu ky'okubanza noomanya, omu myaka nk'eshatu, batandikaho ekibiina ky'ediini ahari okwo kusisiimuka. Ekigombe ky'ediini kitandika, ekibiina ky'ediini.

Kwonka mwetegyereize? Oku kubugire hoonaomu myaka makumi abiri hati, kandi tiharugiremukigombe ky'ediini. Kandi tikirirugamu. Ogu n'omuheru. Engano egarukire kubaengano omurundi ogundi. Engano egarukire yaaba enjuma Yaayo. Ekishushu Kigirugireho. Engano neeteekwa kuguma omu Kubaho kw'Omwana, kugira ngu ehiise.

36 T'ekintu ky'okutangaaza, ngu, enshumi nkye ehwiringe, aha Mwaro gwa Burugwa-izooba, amashanyarazi goona gakarugaho? Tibarakyetegyereize. Amashanyarazi gakacwekaho okwo Texas, saabiiti ehweire. Tibarikubaasa kukyetegyereza. Timurikumanyangu akon'akamanyiso? Timurikumanya ngu amahanga nigeecwamu ebicweka? Israeli eri omunsi yaayo y'obuaarwa. Kandi obumanyiso obu nibworeka ku turi ahamuheru. Obwire nibwo bumwe obu amashanyarazi garikucwekaho, timurikumanya ngu ako n'akamanyiso aku nabi yaagambire? Yee. "Kwonka haryabaho Omushana nk'omu bwire bw'omwabazyo," nguharyabaho Omushana oguryaija omu bwire bw'omwabazyo, obu okurugaho kw'amashanyarazin'ebindi biriba nibibaho nk'oku biri hati.

37 Reeba oku amashanyarazi gacwekkireho. Paapa nibwo aherize kwija hanu.

Nimwijukaaho omuritabirinaakuru, obu abo . . . Mwine entambi z'amaraka. Nintekateekangu, mwena muzitwara. Oku Mukama yaayorekire aho eryo izooba, omuri tabirinaakuru, buzima ahu obwobusingye bw'ekanisa bwabaire nibuza kuban'oku bwabaire buri! Nkateera ekishushani kyabwo aha rubaaho ahaiguru aho, obwo busingye bw'ekanisa obu murikureeba ekishushani kyabwo hanu omu kitabo. Kandi Omwoyo Orikwera ogwo ku araabe atarashuumire omu Nyomyo y'Omuriro mpango, akaza aho honyini aha kisiika ekyo Akabuteera ekishushani, We wenka, obwo abantu magana ashatu nari magana ana bashutami, Bagihangire amaisho!

Mbwenu paapa ku yaatandikire kwija kunu, okwezi omu buryo bumwe kukaba omwirima. Kandi bakateera ebishushaani byakwo byashushana n'oku naabiteire aho aha kituuti. Hati akataayaayira hanu ebiro ikumi na bishatu, yaateera entambwe ikumi na ishatu, yaaha ukarisitiya abantu ikumi na bashatu, omu ihanga eriri namba ikumi na ishatu, mbwenuokucwekaho kw'amashanyarazi kurikubaho hoonahoona. Timurikureeba ahu turi? Turiomu bwire bw'aha mperu.

"Abagaaniizi abarikugaaniiza baryaimuka omu biro by'aha mperu, nibagira bat, 'Tihariho ntaaniso obwire obu n'obwire obwahweire, obu baatatenkuriitwe baagwejegyera.'"

Kwonka ku murireeba ebintu ebi byatandika kubaho, mwimutsye emitwe yaanyu, mweteekateekye. Hariho ekirikubaasa kubaho obwire bwona, Kristo kwija kutwara Ekanisa Ye.

38 Hati, tibarikukiikiriza, ahabw'okuba n'e . . . n'e . . . Bo, bashemere- . . . Tibarikwetegyereza ku nibo barikuhiikiriza Ebyahandiikirwe. Abantu buzima tibarikwetegyereza, ngu baakora ebintu ebi kandi bakagamba

ebuntu ebi, nibaba nibahikiiriza Ebyahandiikirwe.

Oku Kayaafa, ogwo munyamurwa omukuru, n'abo banyamurwa boona ekiro ekkyo, Abaamushekyereire Bakamushungisa, bataramanyire ngu, Ruhanga wenyini ou baabaire nibeeshongoraho bati, "Ruhanga wangye, n'enki Ekyakuntsigisaho?" Zaaburi ya 22, "Banfumwire ebiganja n'ebigyer." Nibakyeshongora omuri hekalu, kunuWeariyo naafeera okwo aha musharaba. Tibaramanyire ku baabaire nibakikorana kakye. Nangwa naYesu akashaba ati, "Taata, obasaasire. Tibarikumanya ki barikukora." Ahabw'okuba, buzimaEbyahandiikirwe bikabahanuuraho, kubaribaempumi.

39 Mubaire nimumanya ku ekanisa y'Abapurotestante n'ey'Abakatoriki zaahanwirweho, omu biro by'aha mperu, ku ziriba empumi, obwire nibwo bumwe, omu Byahandiikirwe, Kristo ari aheeru, naagyezaho kutaahamu? "Ahabw'okuba noogira oti: 'Ndi omutungi, tiinyine ki nkyenire,' kunu torikumanya ku ori ow'okusaasirwa, omworo, enshoberwa, ojwaire busha, empumi, kandi torikukimanya," ekitabo ky'Okushuurururwa 3. Nikyo ekkyo, okugaruka kuba empumi, nibaribatirira ebantu bya Ruhanga, orikushusha oti (bo) Ekigambo tikibainiire mugasho gwona, Nibakishekyerera kandi Nibakishungisa. Ekkyo nikyo Baiburi yaagambire.

40 Kwonka, aha Kanisa, Omugore, Okutwarwa Ahariwe n'okushuurururirwa. Kumushuurururirwe. Okwo kushuurururirwa, Omugore w'amazima wa Kristo naija kuba ategyereize okwo kushuurururirwa kw'Okutwarwa.

Hati, n'okushuurururirwa, ahakuba okushuurururirwa n'okwikiriza. Tokaatunga okushuurururirwa kutari okwikiriza. Okwikiriza n'okushuurururirwa, ahabw'okuba n'ekintu eki oshuururiirwe. Okwikiriza n'okushuurururirwa. Okwikiriza n'ekintu eki oshuururiirwe, nk'oku kyabaire ahari Abrahamu, owaabaire naabaasa kweta ekintu kyona ekirikuhananisa eki yaabaire ashuururiirwe nk'ekitarikwo. Hati, okwikiriza, ekkyo nikyo okwikiriza kuri, n'okushuurururwa kwa Ruhanga. Ekanisa eyombekirwe aha kushuurururirwa, Omubiri gwona buzima.

41 Hanu, saabiiti nkye ezihingwire, nkaba ningaaniira n'omuheereza murungi w'Ababaputisiti. Akaija kugaaniira naanye. Yaagira ati, "Ninkukunda nk'omuntu, beitu," ati, "weena oburabuziibwe."

Naamugarukamu nti, "Kyaba kiri kityo, ninkushaba mpwera ngororokye," (yaagira ati . . .) "n'Ebyahandiikirwe."

Yaagira ati, "Ow'eishe-emwe Branham, tituribaasa kwikirizanana kakye aha bintu ebi okuhitsya obu buzima turaashoronzye buri Kigambo aha Kigambo, n'Orugriika, n'ebindi."

Naamugarukamu nti, "Oo, sebo, noomanya okukiraho." Nti, "Nangwa n'omu Rukiiko rwa Niika, enyima okwo munonga batyo, emyaka magana ashatuokuruga aha kufa kwa Kristo, bakaba nibakihakana n'ohaOmugriika oshongokire omu bwegyese owaabaire ahikire.Noobaasa kumanya. N'okushuurururirwa, byona hamwe. N'okush- . . ."

Yaagumizamu ati, "Tinkaabaasa kwikiriza okushuurururirwa."

Naamugarukamu nti, "Kyaba kiri kityo noobaasa ota kwikiriza Kristo?"

Yaagira ati, "Ahabw'enki, Baiburi neegira eti, 'Orikwikiriza a . . . Yesu Kristo, aine Amagara agatahwaho.'"

Naagira nti, "Ago n'amazima. Nikigaruka kigamba ngu tihariho omuntu owaakubaasa kugira ngu Yesu ni Kristo atagambisiibwe okushuurururirwa kw'Omwoyo Orikwera orikuba akimushuururiire." Mwareeba?Nikyo ekkyo, nikyetooroora kigarukira kimwe, nikigarukira kimwe aha kushuurururirwa. Nikiteekwa kushuurururwa,

42 omuri Baiburi.

Kaini na Abeeli bakaba bataine Baiburi y'okushoma, kwonka kikashuurururirwa Abeeli, ahabw'okwikiriza, nikwo kushuurururirwa.

Abeeli akahayo ekitambo ekirikusiimwa ahari Ruhanga okukira ekya Kaini. Nikyo Ruhanga yaahamiize ku yaabaire ahikiriire.

Yesu ku yaabuuiziibwe hanu, omuri Matayo 16:17 na 18. Titwine bwire bw'okukishoma, kureka ku muraabe nimwenda kukihandiika. Akabuuza ati, "Beitu abantu nibagira ngu Nyowe Omwana w'omuntu ndi oha?"

Omwe yaagira ati, "Ori Musa, Eliya, nari ondijo muntu."

Yaababuuza ati, "Mbweni shi imwe mugira ngu Mba oha?"

Yaagarukamu ati, "Ori Kristo, Omwana wa Ruhanga ohuriire."

Yaamugira ati, "Oine omugisha, iwe Simooni, mwene Yona, ahabw'okuba omubiri n'eshagama tibyo byakushuururira ekkyo,kureka Tata ori omu Iguru niwe Yaakikushuururira. Aha rukiri oru," okushuurururirwa Ruhanga omu buryo bw'omwoyo, na Yesu eki ari. Kandi Yesu niwekushuururwa kwa Ruhanga, Ruhanga kuba omuntu kandi akashuurururirwa abari omu nsi.

“Akaba ari omu nsi. Ruhanga akaba ari omuri Kristo, Naayegarurira abari omu nsi, naashuuuruura eki Ruhanga yaabaireari, omu mubiri gw'omuntu.”

“Ori Kristo, Ogewo oshukirweho amajuta, Omwana wa Ruhanga.”

Yaagira ati, “Omubiri n'eshagama tibyo byakushuuruirira ekyo, kureka Tata ori omu Iguru niwe yaakushuuruirira Ekyo. Aha rukiri oru Ndyayombekaho Ekanisa Yangye, okushuuruirirwa Ekigambo omu bunaku Bwakyo. Ndyayombekaho Ekanisa Yangye, n'amarembo g'okuzimu Tigarigibaasa.”

43 Ekitabo ky'Okushuuruirwa nikyo Kitabo ekirikuhereeruka omuri Baiburi. Kikomirwe n'akamanyiso aha batarikwikiriza. Omurikyo, omu shuura ya 22 Baiburi neegira ngu, “Omuntu weena Origicwaho Ekigambo kimwe, nari Akagyongyeraho Ekigambo kimwe, Ndyamwaka omugabo gwe oguri omu Kitabo ky'Amagara.” N'ahabw'ekyo, nitwetegyerezangu, kukaheebwa abaikiriza bonka. Kandi Nikushwekuura ekyo Kitabo ky'Okushuuruirwa kandi kushuurura Omuhandiiki waakyo kyona. “N'ow'okureebwa nka Alufa na Omega,” okutandikira aha kitabo ky'Okutandika okuhika aha kitabo ky'Okushuuruirwa, Yesu Kristo tahinduka okurabiramu kimwe. Kandi Ashuuuruura enaama Ye yoona Erikumukwataho, na puraani Ze ahabw'obusingye bw'ekanisa Ye obw'ebiro by'omumaisho, kandi eyaabaire ekomeirwe omurikyo n'Obumanyiso Mushanju.

44 Hati, Ekitabo kikaba kihandiikirwe, kwonka kandi, mwijukye, Kikaba kikomirwe n'Obumanyiso Mushanju.

Kandi Obumanyiso Mushanju obu bukaba butari bw'okubambuurwa (Okushuuruirwa 10) okuhitsya aha kuteera enzamba kwa maraika w'omunsi w'ahamuheru omu nsi, Okushuuruirwa 10:7. Mwareeba? “Kandi omu biro ebi maraika w'aha muheru arigambiramu Obutumwa bwe, maraika owa mushanju, enaama ya Ruhanga eryahikiirizibwa omu busingye obwo.” Obwo, kandi obwo nibwo busingye obu tutwiremu.

Twena nitumanya ku tutwire omu Busingye bwa Laodikea. Tiharibaho obundi busingye ahanyima yaabwo. Tikirikubaasika. N'ahabw'ekyo, tutwire omu busingye bwa Laodikea. Kandi Obumanyiso Mushanju obu obukwatsire ekitabo ekyo, n'enaama aha bantu, bushemereire kushuuruirwa omu biro ebyo. Ekyo nikyo Yaaraganiise. Hati, tikirkwija kuba ekintu ekiri aheeru y'Ekigambo, ahabw'okuba torikubaasa kwongyera aha Kigambo n'obu kwakuba kucwa aha Kigambo. Nikiteekwa kuguma kiri Ekigambo obwire bwona. Kwonka okushuuruirirwa n'okushuuura Amazima Gaakyo, Eki kiri, kutuma Kyashoronga n'Ebyahandiikirwe ebindi byona. Reero Ruhanga ahamya ekyo ku n'Amazima. Mwareeba?

45 Ruhanga tarikwetenga ow'okushoboorora weena. Niwe Wenka orikweshoboororera. Naayeshoboororera We wenka yaaba naahikiiriza ebintu ebi Yaagambire ngu nibiza kubaho. Nk'omu kutandika, Akagira ati, “Habeho omushana,” kandi omushana gwabaho. Ekyo tikirkwetenga okushoboorora kwona. Kikahamibwa.

Hati, Akaraganisa ebintu bimwe omu biro ebi eby'aha muheru, omu Byahandiikirwe. Ahabw'enki, mbwenu mbibyo.

Okwo nikwo Yesu yaabaire ari Omwana wa Ruhanga. Akaraganisa Kumwohereza. Obu Yaabaire ari hanu omu nsi omu biro Bye, kandi abantu bangireKumwikiriza, Akagira ati, “Musherure omu Byahandiikirwe, ahakuba muteekateeka ngu Omuribyo nimwo mwine Agatahwaho, haza kandi Ebyo Nibyo Bimpamya.Ku Ndaabe ntakora mirimo ya Tata, obwo murekye Kuunyikiriza.Kwonka ku muraabe mutarikubaasa kuunyikiriza, mwikirize emirimo ei Nkora, 'habw'okuba niyo Empamya.”

46 Mpahonu, omu busingye bwa Wesili, emirimo ei yaakozire ekamuhamya.

Om u busingye bwa Luther, omu kuhunduuza, ahabw'enki, buzima, ekamuhamya.

Om u biro by'Abapentekoote, okwo kugarura busya kw'ebiconco, okugarurwa busya kw'ebiconco, okugamba endimi n'okubinga baadaimoni, n'ebiconco, ahabw'enki, bikahamya. Hakaba hatariho kuzana aha kintu ekyo. Abantu bakagirabati, okubanza obu bitandika . . . Nkashoma ebitabo aha byafaayo bya Pentekoote. Bakagira bat, “Tibirikubaasa kumara obwire buraiingwa. Nibiza kuraara.” Nibikyakana hati. Ahabw'enki? N'ahabw'okuba timuribiraaza. Ruhanga akagira ngubiryabaho. N'ekyo kicweka ky'Ekigambo, mbwenu timukaabaasa kubiraaza.

Reero Omugore yaaba naayetwa kurugayo, nimuza kukiraaza muta? N'okushuuruirirwa kw'okworeka Ekigambo ekirikuhindurwa amazima. Kandi tutwire omu biro ebyo; Ruhanga asiimwe; okushuuruirwa kw'enaama Ye Wenka.

47 Hati, Okutwarwa n'okw'abo bonka . . . Okutwarwa oku oku turikugambah, n'okw'Omugore wenka. Mwijukye, Baiburi neegira eti, “Abafu abandi abaatsigaireho bo tibaragarukire kuba abahuriire, okuhitsya ahi emyaka rukumi yaahwereire.” Okutwarwa kukuru oku! Ku haraabe hatariho Okutwarwa, banywani, turahi? Nituza kukora ki? Tutwire mu busingye ki? Twine okuraganisibwa ki? Nihaza kubaho Okutwarwa. Baiburi neegira ngu nikua kubaho. Kwonka nikua kuba okw'entoore zonka, OmukaziOwaatoorainwe, Omugore w'ebiro ebioihirweyo, Ekanisa.

Ekiga- . . . ekigambo ekyo, ekanisa nikimanyisa “abeetsirwe kurugayo.” Nk'oku Musa yaayetsire eihanga kuruga omu ihanga, Omwoyo Orikwera naayeta Omugore kuruga omu kanisa; Ekanisa kuruga omu kanisa; baamemba okuruga omuri buri kigombe ky'ediini, nibakora Omugore, omuti Omugore. Buri aha-aha rutambi

rw'amaraka, OmutiOmugore. Omugore naarugayo, ayetsirwe, kandi ogwo niwe Omuti Omugore. O-Omugore, nimmanyisa, niwe Ogwo oriza omu Kutwarwa; ogwo, wenka, tihariho ondiijo kureka Omugore, abo abaatoorainwe abu Ruhanga yaamanyire ira batakabaireho okuruga omu kutandika, oburondo bw'omwoyo bwa Ishebo.

Reka nyemerere hanu edakiika emwe. Ninguma ningira obwoba, nintekateeka ngu naaza kubakyerereza, ngu naaza kubakyerereza munonga.

48 Kwonka, mwetegyereze, mureebe, buri omwe omuriimwe. Noomanyangu emyaka mingi obu waabaire otakazairwe, okaba ori omuri sho nk'akarondo? [Abateeraine baagira bati, "Amiina." -Omur.] Ago n'amazima. Entanga, embibo, ekaba eri omuri sho, eruga omu mushaija, t'omumukazi. Waareeba? Omukazi ahayo eihuri, entabire y'okubyaramu. Kwonka entanga eruga omurish- . . . Hati, tugire ngu, omuri taata . . .

Nari, mutabani wangye oshutami hanu, obu naabaire nyine emyaka ikumi na mukaaga, mutabani wangye akaba ari omuriinye. Nkaba ntarikumumanya, kwonka akaba arimu. Hati, okurabira omu ntabire y'okubyaramu, okurabira omu bushwere oburikwera, yaaba ekishushani kyangye. Naamumanya. Nimbaasa kukwatanisa nawe. Kandi akabaho omu bwire obwabaire buhikire.

49 Hati, nikwo naiwe waabaire orimu, ku oraabe oine Amagara Agatahwaho, okaba ori. . . omuri Ruhanga n'ensi etakabaireho. Ori ekicweka, omwana wa Ruhanga, ekyarugire omuri Ruhanga. Akamanya obusingye bwonyini obu waabaire nooz a kubaho. Yaakutoorana ira otakabaireho kuba omu busingye obwo, kuza omu mwanya ogwo, kandi tihariho ondiijo weena orikubaasa kuguzamu; tindikufayo n'obu haakubaho abarikutooreza abarikwingana ki n'ebindi. Nooteekwa kubayo, ahabw'okuba Akamanya ngu oryabayo. Hati oyorekirwe. Hati noobaasa kukwatanisa Nawe, kandi ekyo nikyo Arikwenda. Aine orushusho rw'okukwatanisa, kuramibwa. Kwonka amagara gaawe ku garaabe gata . . . burijjo gaabaire gatatuura omuri Ruhanga, nootooreza Obukristaayo kwonka. Mwareeba? Haryabayo zaamiriyoni na zaabiriyoni z'abo abariba baatooreize Obukristaayo kwonka.

50 Ekigambo eki naagambire enshumi nkye echingwire. Nkaba nindieba Ow'eishe-emwe Demos Shakarian okwo, obu baabaire nibeemesa ente, nindieba obwo bucupa bw'okugyeresa, n'ebindi, nibutwarwamu abashaho, obwo nindieba ebintu ebi.

Omukristaayo kwonka, kare munonga, emyaka mingi munonga eyaahweire obu obwire bwabaire butakatandikire kubaho, iwe, ku oraabe ori Omukristaayo ozairwe obwa kabiri, ekiro eki, okaba ori omuri Ruhanga obwire obwo, Sho. Niyo nshonga, ku waizire omu magara aga hanu okaatura Obukristaayo, mpaho, buri kimwe nikigyenda kubi, oyebuuza ahabw'enki eki kiri kiti, kandi n'ebi byona. Ekyo, okakyebuuza. Beitu, eizooba rimwe, Ekiintu kikakucumita. Kikaba kiri ki? Ago Magara agaabaire gari omunda omwo, kwiha omu kutandika. Kandi ku ga . . .

51 Nk'ekitebyo kyangye kikye ky'empungu, nyina neesherura egyo mpungu, neegisherura. Mukampurira ningibuuriraho, oku ako kaana k'empungukaayaatwirwe enkoko. Kwonka egyo nkoko, emitwarize yaayo y'okugyezaho kubugaburira-obwo bwana bw'enkoko, ako kaana k'empungu kakaba katarikubaasa kugigumisiriza, ahabw'okuba kakaba katari mushu gw'enkoko, okubanza kwa byona. Beitu, kakaba kari omu kiju n'obwo bwana bw'enkoko, kandi kakuratira egyo nkoko. Kwonka ekaba eraha omu kibuga ky'ekyo kiju n'ebindi bantu, kwonkaako kaana k'empungukakaba katarikukibaasa. Kwonka buri kaire ku yaabaire eyeta na buri kimwe, obukoko buto bwona bukaba bugyenda, katyo nako kagyenda. Kwonka eizooba rimwe . . .

Nyina ekaba neemanyanguekateera amahuri abiri, ritari rimwe. Hakaba nihateekwa kuba hariho erindi, ahantunanka. Yaaza kurironda, neeguruka omu mwanya aho, neeyetooroora. Ahamuheru yaahika aha kibuga ky'ekiju ky'enkoko, yaabonahoakaana kaayo, yaakagambira n'eiraka rihango. Rikaba riri eiraka, eri kaamanyire ngu nikyo kintu ekirimu ensha. Ekyo nikyo kaabaire nikasherura, waareeba, kandi obwo nibwo kaamanyire ku kaabaire katari nkoko. Kakabakari empungu.

Kandi nikwo kiri, na buri Mukristaayo ozairwe obwa kabiri, ku orikwija. Tindikufayo n'ebigombe by'amadiini bingahi ebi orabaire memba waabyo, n'amaziina angahi agu waahandiikire omu bitabo n'ebindi. Ekyo Kigambo kya Ruhanga ky'amazima ku kirikuhamibwa kandi kikoorekwa ku kiri amazima omu maisho gaawe batyo, noomanya ku ori empungu, aho aho. Ahabw'okuba, oku kugamba kw'enkoko kwona eti, "Yegaite n'eki kandi oyegaite n'eki, na gyenda oti na gyenda omuringo guriya," n'orwanju. N'okwongyera Ekigambo aha Kigambo okw'amazima.

52 Entanga ku erikutaaha omuri nyinenda y'o-y'omukazi, terikuba . . . Iwe, torikuba entanga y'omuntu kuruga omuri sho, reero ekiraakurateho okaba entanga erikuruga omu mbwa, ekirikukurataho okaba erikuruga omu njangu, ekirikukurataho okaba erikuruga omu nkoko. Yoona ekaba eri entanga y'omuntu.

Kandi Omubiri gwa Yesu Kristo, Omugore, nigwija kuba ekicweka ky'Omubiri Gwe. Ekiriba . . . Akaba ari Ekigambo, kandi n'Omugore naateekwa kuba Ekigambo; Ekigambo ekyongyeirwe aha Kigambo, kyongyeirwe aha Kigambo. Okwiwhaho orurbanja kwa Luteeri, okwezibwa kwa Wesili, okubatizibwa n'Omwoyo Orikwera kw'abapentekoote, okugarurwa busya kw'ebiconco, n'ebindi byona nibigyenda Nakyo. Mwareeba? Nikiteekwa kuba Ekigambo kyongyeirwe aha Kigambo, embibo eyongyeirwe aha mbibo, Amagara gongyeirwe aha Magara, kureeta ekishushani ekihikire ky'Omugore wa Mukama Yesu Kristo. Hati, oijukye, okaba omurimu.

53 Mbwenu hati, kiringu, twaheza kumanya ebintu ebi, ngu Kristo naija kutwara Omugore We, hati nitutaaha tutu omuri ogwo Mugore? Ekyo nikyo kibuuzo.

Baingi bagira bati, "Ba memba w'ekibiina kyaitu." Omwe aharibo naayenda okubatizibwa kw'omuringo nanka. Ondijo naayenda kukoraeki nari kiri. Ondinaagiraati, "Nooteekwa kugamba omu ndimi, kitari ekyo Tomwine." Ondijionaagirangu, "Tikirikukwetaagisa kugamba omu ndimi." Ogu weagiraati, "Nooteekwa kuzinira omu mwoyo." Oguagirangu, "Nooteekwa kuteera akaari." Ogu, "Nooteekwa kukyamukirira." Boona bahikire, kandi nabwo, boona bagwire.

Omushaija o . . . nari omukazi, nari omwana wa Ruhanga, ozairwe Omwoyo wa Ruhanga, naabaasa ata kwehakana Ekigambo kya Ruhanga? Kunu, Ruhanga We wenka Naakishoboorora akagira ati, "Nikyo Eki. Nkakiraganisa. Nkiki hanu," Naakyoreka butunu nk'oku Kirikubaasika. Ahabw'enki, nibateekwa Kukireeba. Mwareeba? Kristo naabaasa ata kwehakana Ekigambo Kye? Mbwenu Kristo ku araabe ari omuriwe, Takaayehakana Ekigambo Kye.

54 Mbwenu nitutaaha tutu omu Mubiri ogu? Ekitabo ky'Okubanza ky'Abakorinso 12, "Omu Mwoyo omwe twena tubatizibwa kutaaha omu Mubiri ogu, ahabw'okubatizibwa kumwe kw'Omwoyo Orikwera." Ekyo, ku muraabe nimwenda kuhandiika ekyo, n'ekitabo ky'Okubanza ky'Abakorinso 12:13. "Kandi omu Mwoyo omwe twena tubatizibwa." Kandi Omwoyo nigo Magara ga Kristo. Ekyo kihikire? [Abateeraine baagira bati, "Amiina." -Omur.] Amagara ga Kristo! Kandi amagara g'embibo yoona . . . Kandi, Akaba ari Kigambo Mbibo, nikituma Embibo yaagira Amagara. Mwakyetegyereza? Ago Ma-ago Magara ku garaabe gari omu Mbibo, reero okubatiza kw'Omwoyo Orikwera oku Kukagaijaho, naateekwa kureeta ago Magara g'Embibo.

55 Nk'oku naabagambiire, hanu omuri Phoenix, enshumi nkye ehangwire. Nkaba ningaaniira n'Ow'eishe-emwe John Sharrit. Nkaba ndi okwo, reeroyanyoreka omutigw'ekika ky'omucungwa gwa saituras. A-akahinga emiti mingi y'ebijuma bya saituras. Yanyoreka omuti gumwe, gukaba gwinehoebijuma by'emiringo munaana nari mwendaebitarikushushana. Naamubuuza nti, "Ow'eishe-emwe Sharrit, ogwo n'omuti gwa muringo ki?"

Ati, "N'omuti gw'omucungwa."

Naagira nti, "Kandi shi ezo ndimu, mangada, na tangelo, n'ebijuma by'emizaabibu?"

Yaagira ati, "Byona n'ebijuma bya saituras. Bibyeirwemu."

"Oo," naagira nti, "naareeba. Hati, omwaka ogurikwija, gwona nigwija kwana emicungwa. Ahabw . . ."

"Oo, ngaaha. Buri muti nigwija kwana ebyagwo. Buri itaagi nirija kwana ebijuma byaryo."

56 Baingi omuriimwe abahingi b'emiti y'ebijuma ekyo nimukimanya, hanu omu ruhita oru rwa saituras. Nigwana ebyagwo. Byara eitaagi ry'endimu omu muti gw'omucungwa, niryana endimu, 'hakuba n'obuhangwa bw'ekijuma kya saituras. Kwonka, tirikaayana ekijuma ekyabandize.

Kandi ekyo nikyo tukozire. Tubyeiremu, twataasyamu enyikiriza, n'ebindi, kandi twabyaramu buri kimwe, omu Kigambo hanu. Abametsodisiti nibabaasa bata kuzaara ekindi kintu kyona ekitari omwana w'Omumetsodisiti? Ekigombe ky'ediini kyona nikibaasa kita kuzaara ekindi kintu kyona ekitari omwana w'ekigombe ky'ediini?

Kwonka ogwo muti ku guraataagikye eitaagi eryabandize, nirija kwana emicungwa.

Reero Ruhanga ku arigyezaho kukora ekintu kyona omu Kanisa, nikija kuba kiri ekyabandize, kiri n'Ekigambo omurundi ogundi. Buzima. Nikiteekwa kuba kityo, 'habw'okuba ago Magara gari omu Muti ogwo, kandi Nigwana omu muringo Gwago.

57 Hati, ku turikureeba, hati, hariho egoy kanisa mpango erabire omu busingye bwingi, neeyana ebyana byayo. Kandi amataagi ku gakura, bagasharira. Omu kitabo kya Yohaana Orikwera 15, tarashariire Omuzaabibu, hati. Akaihaho amataagi, yaagatemaho, ahabw'okuba gakaba gatarikwana ebijuma byona. Kandi-kandi naitwe . . .

Yesu naayenda ebyana, Ahabwe. Omukazi We naateekwa kuzaara abaana Abarikumushusha.

N'ahabw'ekyo, ku araabe atazaire baana, abaana Mugore, abaana Kigambo, obwo nibaba bari abaana b'ebigombe by'amadiini. Obwo, ogwo mugore naaba agarukire ahakukunda kwe kw'okubanza, kw'ensi n'ebigombe

by'amadiini. Kandi tarikubaasa kuzaara Omukristaayo kashushu, ow'amazima, ozairwe obwa kabiri, 'habw'okuba tiharihokintu kyona ky'Okumuzaara.

Nk'okuwaakutwara eitaagi ry'endimu okaribyaramu, niryana endimu, kwonka tiririkubaasa kwana emicungwa, ahabw'okuba rikaba ritariho aha kutandika. Kwonka ku riraabe ryatairweho aha kutandika, okumanya ira ebintu bitakabaireho kwaRuhanga, ryatooranwa ritakabaireho kandi ryazaarwa, niriteekwa kwana emicungwa. Tirikaayana ekindi kintu.

58 Nikwo kiri n'Ekanisa ya Ruhanga ohuriire, eshaaha egysoku ehika. Buri muntu . . . Reka Ruhanga atandikye kukora ekintu, buri muntu naatandikirahoagyenda. Waareeba? Nikwo kitwire kityo.

Mbaire ninshomaomu byafaayo bya Martin Luther, hanu enshumi nkye echingwire. Biti, "E . . . Kikaba kitagumire munonga kwikiriza ngu Martin Luther akaba naabaasa kuhakanisa ekanisa Enkatorika hazaakasingura. Kwonka," ebyafaayo nibigumizamu biti, "ekintu ekirikutangaaza, ni ngu akabaasa kwemerera ahamireomu kurengyesereza omu kwikiriza kwona okwakuratiire okusisiimuka kwe, yaaguma ari omwesigwa aha kwiwhaho orubanja kwe." Mwareeba? Byona, okutooreza na buri kimwe, bikamukurata.

59 Reeба Muka Semple McPherson, Aimee Semple McPherson, owaabaire aine egi hekalu ebiso hanu. Buri mukazi omubuurizi akaba aine ago mapapa, kandiakwata Baiburi omu muringo nigwo gumwe, okutooreza kw'omubiri kwonka-kwonka!

Tibarikubaasa kuba abaabandize. Okwo nikwo amakanisa gatarikubaasakuba agaabandize. K'ekanisa emwe etunye ekintu nanka na nanka omu rurembo, ekanisa endijo tekaakigumisiriza. Nabo nibakitunga. Nimureeba? Nibaba batakiri abaabandize bundi.

Ekigambo kya Ruhanga nikyo kyabandize. N'Ekigambo, kandi Nikiteekwa kuzaara omuringo Gwakyo; omuringo Gwakyo omu bunaku Bwakyo, abaatoorainwe, bakamanywa ira Ishebo, Ruhanga.

Hati nitutaaha tuta omu Kanisa egi? "Ahabw'Omwoyo omwe twena tubatizibwa kutaaha omu Mubiri gumwe ogu, Omubiri gwa Kristo," niwe Omugore, Ekigambo. "Tubatizibwa kutaahamu ahabw'Omwoyo Orikwera."

60 Hati ka tureebe yaaba turi omu busingye bw'ahamuheru, nari tutaburimu. Hati nitureeba, ku turikubiikuura omu kitabo ky'Okutandika, nk'aha, oo, nk'eshuura ya 5, nimubaasa n'okubiikuura omu kitabo kya Luka hazamureebe, ku Enoka yaabaire ari owa mushanju kuruga ahari Noa. Enoka."

Aho nikishuuuru oraaro rw'enjoka. Ahabw'okuba, Kaini ku araabe yaabaire ari omwana wa Abeeli, obwo naaba yaabaire ari owa munaana. Nimureeba? Kwonka tihariho na hamwe omuri Baiburi ahu kigambirwe ngu Kaini akaba ari omwana wa Abeeli . . . nimmanyisa Kaini-nimmanyisa ngu Kaini akaba ari omwana wa Adamu. Ahabw'okuba, ekyo, Baiburi neegira eti, "Akaba ari ow'omubi." Kandi Adamu akaba atari omubi ogwo. Nimureeba? "Akaba ari ow'omubi."

61 Hati nitureeba hanu ku Enoka yaabaire ari owa mushanju kuruga ahari Noa, ekyabaire nikishushanisa obusingye bw'ekanisa. Hati, abo bashaija boona abandi mukaaga, abaamubandiize, bakafa, kwonka Enoka akatwarwa. Enoka akabakurwa, ogwo owa mushanju, nkyoreka ngu n'obusingye obwa mushanju bw'ekanisa oburikuza Kutwarwa. Hati, tihariho kubanganisa, turi omu busingye bwa mushanju bw'ekanisa. Twena nitukimanya.

Hati, n'obusingye bwa mushanju bw'ekanisa oburikuza omu Kutwarwa. Obundi bwona mukaaga bukafa. Kwonka Enoka akatwarwa, ahabw'okuba, "Taragarukire kureebwa. Ruhanga akamutwara." Kwonka Enoka, akatwarwa, akaba naashushanisa abo boona abandi abarikufa. Kwonka O-Omugore w'omu bwire bw'aha muheru naija kwetwa kuruga omu . . . Okwo kutwarwa, hatariho kufa, naija kwetwa kuruga omu busingye bwa mushanju bw'ekanisa, obu itwe turimu hati. Oo, mugyenzi! Ka tukishwijume hati, munonga buzima. Mwareeba?

62 Hati, hanu, nabwo, ekirikushushanisa obusingye mushanju bw'ekanisa, obu, omu kitabo ky'Okushuuuruwa 10:7, egyo naama nkuru y'ekyo Kitabo ekaba neeza kushuuuruwa Obutumwa bwa maraika owa mushanju.

Hati, hariho Entumwa omu iguru, obutoosha, kandi n'entumwa omu nsi. Ekigambo ky'Orungyereza maraikanikimanya "entumwa." Kandi omu Butumwa bwa maraika owa mushanju, ku yaabaire naaarranga, obuheereza bwe, "reero ku yaatandikire kuranga obuheereza bwe," atari obu yaatandika.

Yesu, obu yaatandika, Akatandika naakiza abarwaire n'abarikubonabonesibwa. "Oo, Rabi ogwo mukuru! Ni Nabi." Buri omwe akaba Naamwenda omu kanisa ye.

Kwonka ku Yaashutamire eizooba rimwe, akagira ati, "Nyowe na Tata tuba Omwe," ekyo kikaba ekindi. Ekyo kikaba ekindi. "Ku murikuba mutariire mubiri gw'omwana w'Omuntu, kandi mutanyweire Shagama Ye, timurikugira Magara omuriimwe."

"Ahabw'enki, N'omuri w'abantu!" Mwareeba? Mwareeba? Ekyo kikaba ekindi.

Tarakishoboroire. Bakaba baaherize kureeba okweyoreka, n'okuhamibwa kw'Ekigambo kya Ruhanga

ahabw'obusingye Bwe, kirkuba ekihuriire n'okubahamiza ku Yaabaire ari egyo Ntumwa y'obusingye obwo. Mbwenu Akaba atarikwetaagisibwa kugira eki yaashoboorora.

Abo beegi obundi bakaba batarikubaasa Kukishoboorora. Beitu Bakakiikiriza, yaaba baabaire nibabaasa Kukishoboorora nari batarikubaasa. Bakashutama hamwe batebeekeine Baakiikiriza. Bakaamanyire bata yaaba baabaire nibaza kurya omubiri Gwe n'okunywa Eshagama Ye? Ahabw'enki, kikaba kitarikubaasikabo kukikora. Kwonka Bakakiikiriza, ahabw'okuba abatoorainwe. Yesu akagira ngu "Akabatoorana ensi etakahangirwe." Mwareeba? Bakakiikiriza. Yaaba baabaire nibabaasa kukishoboorora nari batarikubaasa, hoona nabwo Bakakiikiriza.

63 Hati mureebe, hati, omu busingye bwa mushanju bw'ekanisa, "Ku maraika wa mushanju aritandika kugamba, enaama za Ruhanga zikaba ziri ez'okumanyirwa aho aho," obwo Bumanyiso.

Ekyo, abo bahunduuzi aba . . . kuri baabaire baine obwire. Luteeri taratwireho obwire burailingwaoburikugasha, n'obu yaakuba Wesili. Obusingye tiburatwireho bwire buralingwa oburikugasha, ahabwabo bahunduuzi. Bakaba baine obutumwa bwabo bw'obwire obwo, kandi abantu bakabwakiira baabukoramu ekigombe ky'ediini. Mbwenu niki?

64 Tokaahakanisaaby'obuhangwa. Obutoosha eby'obuhangwa bihamya. Ruhanga agumizamu atarikuhinduka n'eb'yobuhangwa. Nikwo kirikuteekwa kuba.

Nk'eizooba. Eizooba rituruka omukasheeshe, n'akeereere akaaheza kuzaarwa. Riine amaani makye, tiriine butagatsi bwingi. Shaaha ina, riruga omu sinya. Omu ihangwe, ritaaha omu magara. Shaaha mwenda z'eihangwe, ritandika kukura. Shaaha ikumi n'emwe, ritandika kufa. Rigaruka rikaikura kandi riburwa amaani, rigaruka omu kituuro. Nigwo muheru gwaryo? Rigaruka rituruka, akasheeshe akarikukurataho. Mwareeba?

Reeba emit, oku etooka amababi, buri kintu eki erikukora. Hati nitireeba, amababi garagara garuga aha miti, gagarukayo. Niki? Amagara gashuma omu mizi y'omuti. Ogwo nigwo muheru gwago? Gagaruka omu bunaku bw'okutooka kw'ebimera oburikukurataho, gaine amagara masya.

65 Hati reeba amakanisa, oku gaakozire ekintu nikyo kimwe omu kuhunduuza. Gatandika. Egyo njuma y'engano eyaagwire omu itaka ekafa, omu kuhiiwa kw'omu busingye bw'omwirima. Yaaza omu itaka. Ekaba neeteekwa kufa. Omuntu weena, w'omwoyo, ekyo naabaasa kukireeba. Ngu, kwhihaho egyo mbibo yaafa ekajunda, egumaho yonka. Mbwenu ekaba neeteekwa kuza omu itaka, omu busingye bw'omwirima. Ekagumamu, kandi yaajunda. Yaarugayoeineotubabi tubiri tw'ekanisa ya Luteeri. Kuruga omu kanisa ya Luteeri, hakarugamu amababi maingi, Zwingli n'abandi. Kuruga omuri ago ekabaorushiisha, orwabaire ruri John Wesili, obwo busingye bukuru bw'abamiishani. Ekagaruka enyima. Okuruga aho haabaho obwo busingye oburikuhabisa, obwo busingye bw'Abapentekoote. Egyo njuma y'engano, eya . . .

Hanu hariho omuntu weena orahingireho engano? Oije oyetegyereze egyo ngano ku origireeba. Ku orikuza ebiso okwo, okagira oti, "Nyine engano." Nooshushana nkoine engano aho. Kyo gitondore n'okwegyendeserezza kwingi haza oreebe. Toine ngano n'emwe. Oine ekishushu. Yesu taraturabwire, omu kitabo kya Matayo 24:22 . . . - ina? "Ngu, omu biro by'aha mperu, egyo myoyo ebiri neija kuba eri haihi kushushanira kimwe, ebone kuhabisa n'engano eyaatoorainwe Yo yonka kyaba nikibaasika." Mwareeba? Hati reeba. N'omwekorezi.

66 Hati, Amagara agaarabire omuri Luteeri nigo gaakozire Wesili. Amagara agaarugire omuriWesili nigo gaakozire Pentekoote. Amagara agarikuruga omuri Pentekoote gakora engano. Baitu bo n'abeekorezi. Nimureeba? Amagara gonyininigarabamu. Obutumwa burabamu, kwonka Buba nibuza omu ngano. Egyo niyo nshonga engano ekura kandi ekareeta ekyokintu kyona omu Kutwarwa, aha mutwe hanu aha kumariira. Omugore, We wenka, naaruga omuri buri busingye. Kwonka omushengye gw'ekigombe ky'ediini gufa, gwoma kandi gufa. Mureebire, ebiro ebi by'ahamuheru, oku gurikutandika kurugaho hati? Egyo ngano ku etandika kukura, obwo e-ekishushu kitandika Kugirugaho.

67 Garuka oreebe omunda y'egyo ngano nto ku oraagireebe. Gitondoreoti, ogireebemu oyetegyereze. Oinemu akarabyo kato k'engano omunda omwo. Nooteekwa kujwara gaarubindi y'amaani agarikukira ag'ey'obutoosha emirundi makumi ashatu kugireebamu, obone kureeba ako karabyo kato k'engano omunda omwo. Mwareeba?

Kari omunda hare okwo, kwonka Katandikakukura. Hati, ekyo kishuushu nikiteekwa kubaho, Kukashweka, Kukaha omugisha gw'okurugamu. Kwonka kandi ku Karikutandika kukura, n'Obutumwa bukatandika kujanjaara, obwo ekishushu Kikarugaho. Reero Amagara garugiram kimwe omuri ekyo kishushu, gagiira kimwe omu ngano. Gagumizamu! Okwo nikwo buri busingye bwakozire. To-tokaahakanisaaby'obuhangwa. N'o . . . Okwo n'okugumizamu kwa Ruhanga atarikuhinduka, oku Akora ebintu.

68 Kandi hati obwo nibwo busingye obu tutwiremu hati hati, obusingye bwa mushanju bw'ekanisa. Hati, byona n'eb'y'okweyoreka omu njuma y'engano egyo aha muheru, aha kugaruka okundi. Hati, ku orikukwata ekitabo kya Luka eshuura ya 17 orunyiriri rwa 30, Akagira ati, "Nk'oku kyabaire omu biro bya Sodoma nikwo kiriba Omwana w'omuntu ku ariija, Omwana w'omuntu ku aritandika Kweshuurura." Okushuururu niki? Kuha okushuururuwa okw'eki Ari omu biro ebi. Okushuururuira abantu Ekigambo ekishurwirwe ahabw'ebiro ebyo. Okushuururuira abantu, omu kweyoreka kw'Omwoyo Orikerwa naayoreka Yesu ogwo ahuriire omuriitwe. Kandi, mwijukye,

Akajwekyerwa okwo omu muntu. Omuntu! Akagira ati, "Nk'oku kyabaire . . ." Hati, Akashoma Baiburi niyo emwe ei turikushoma, ekitabo ky'Okutandika. Hati, nitureeba omuri egyo shuura y'ekitabo ky'Okutandika aho, obu Yesu yaabaire naagamba ebikwatiraine nakyo.

69 Nitureeba aho, ngu omuri ekyo, obwo ateire omugongo eryo ihema, na Saara ari omu ihema. Akagamba, Yaabuuza ekibuzo. Kandi Saara akaba atarikwkirizangu ekyabaire nokyenda kubaho kikaba nikibaasa kubaho. Akagira ati, "Hati, Abrahamu, Ninja kukutaayaayira obunaku bw'amagara ku buraahikye." Nimureeba? Kandi Saara, ari omu ihema, yaakishekyerera. Yaagira ati, "N'enki ekyashetsya Saara, omu ihema, akagira ati, 'hoona ebantu ebi nibibaasika bita?'"

Yesu akaraganisa. Kandi Ogwo akaba Ariwe. Abrahamu Akamweta, "Elohim," Ow'obushoboorozi bwona. Ogwo akaba Ariwe. Hati, Baiburi neeranga ku ekyo kirigaruka kubaho omu biro by'ahamuheru. Yesu nikwo yaagambire. "Kandi ku murireeba ebantu ebi nabitandika kubaho," mwijukye, obwire obu eki kiritandika kubaho kityo, obwo, "mumanye ku obwire buri haihi, ku bwahikire aha rwigi."

70 Reeba ensi yo yonka. Reeba ensi, Sodoma, ku haraabe harabaireho Sodoma. Reeba abantu oku basiisikaire omu kusiisikara munonga. Ebiteekateeko byabo bisiisikaire. Tibarikumanya engyesho z'obutoosha eki ziri. Reeba aba bahenzi b'ebiragi . . . [Eticweka ky'orutambi rw'amaraka ekirihou busha-Omur.] . . . obutingwa n'ebindi byona.

Reeban'abakazi baitu, oku babaire abashazi. Reeba okweyongyera munonga kw'engyesho mbi, emicwe mibi omu bakazi baitu. Kandi ti baitu bonka . . .

Noogira oti, "Abo n'Abametsodisiti." N'Abapentekoote, nabo. Ni boona.

Reeba abashaija baitu. Omu mwanya gw'Ekigambo kya Ruhanga, nibaramatira aha migyenzo mikye y'ekigombe ky'ediini. Nibagiramatiraho, omu mwanya gw'okurugayo baaheza kureeba Ruhanga Naayeyoreka kurungi munonga. Enshonga ni ngu, n'empumi. Tibakaakireeba. Tibarikireeba.

Hati reeba ekirikubaho hanu omuri eki, obwo turiyoniturahutsya.

Ninteekekateeka nguoriya mukazi naayenda ngu turugyemu. Nimmureeba naayetesu omukono, ahabw'enshonga emwe nari endijo orikushusha oti naayenda ngu tushohore, n'ahabw'ekyo ka turahutsyeho.

71 N'ahabw'ekyo hati mureebe Enoka, orikushushanisa Ekanisa. Hanu n'aho naashushanisibwa omu busingye bwa mushanju bw'ekanisa. Ekyo nimubaasa kukiteekateekaho? Obusingye bwa mushanju bw'ekanisa! Mwetegyereze. "Aha kugamba kwa . . ."

Ni bangahi abarikwkiriza ku habaireho entumwa mushanju ahabwamushanju bw'ekani- . . . Oo, twena nitukiikiriza, ku turaabe nitwikiriza Baiburi. Ku turaabe tutarikwkiriza Baiburi, buzima, mwareeba, titurikukiikiriza. Kwonka, entumwa zikabaho.

Hati tutwire omu busingye bwa mushanju bw'ekanisa. Kandi Baiburi ku yaagambire ngu, obusingye bwa mushanju bw'ekanisa obu, "Entumwa y'obusingye bwa mushanju bw'ekanisa ku aritandika kuranga Obutumwa bwe, ngu enaama z'ebantu byona ebi ebyashobenkeine, omu busingye bwona, ziryashuururuwa omu bwire obwo." Hanu nitukireeba, Omwana w'omuntu naija omu bantu Be kandi naakikora buzima, naahamya Obutumwa Bwe nk'oku Yaagambire ngu Aryakora. Turi hanu nitukireeba, hati omu busingye obu bw'ahamuheru.

Kandi obwo bunaku mushanju bw'abarinzi, nk'obwo bunaku mushanju bw'abarinzi, akaija omuri bumwe. Tiyaizire omu bunaku bw'abarinzi bw'okubanza, obwa kabiri, obwa kashatu, obwa kana, kureka akaija omu bunaku bw'abarinzi obwa mushanju. Ogwo akaba ari Enoka, owa mushanju, owaatwairwe. Kandi Noa, naashushanisa Abayudaaya abaatsigaireho, abarikwija kurabamu. Hati, omu biro bya Baiburi, obwo nitugamba aha bunaku bw'abarinzi. Kandi obwire bw'ekiro bukaba butabaganisibwamu omu shaaha, omu biro bya Baiburi.

72 Hati muhurikizemutaireho omutima. Ahabw'okuba, hati naaza kurahutsyaho, 'habw'okuba nibenda ekishengye. Ngaaha. Baiburi ekaba etabaganisibwemu, nimmanyisa-nimmanyisa . . .

Obwire bw'ekirobukaba butabaganisibwamu omu shaaha, omu biro bya Baiburi. Bukaba bubaganisibwamu omu bunaku bw'abarinzi. Hakaba hariho obunaku bushatu bw'abarinzi. Hati, obunaku bw'okubanza bw'abarinzi bukaba butandika shaaha ishatu okuhitsya shaaha mukaaga. Obunaku bwa kabiri bw'abarinzi butandika shaaha mukaaga okuhitsya shaaha mwenda. Kandi obunaku bwa kashatu bw'abarinzi obw'ekiro bukaba bubarwa kuruga shaaha mwenda okuhitsya shaaha ikumi-na-ibiru. Hati twine ishatu, za ishatu ishatu, ezo ni mwenda, enamba etaijwire. Bwanyima nitugaruka ahari mushanju ahabw'Okutwarwa, niinyikiriza, okuribaho ahagati ya shaaha ikumi-na-ibiru na shaaha emwe . . . nimmanyisaahagati ya shaaha ikumi-na-ibiru na shaaha ishatu, akasheeshe kamwe. "Ahakuba Enzamba ya Mukama eryagamba."

Omukasheeshe aki karungi kandi akatarimu bicu obu abaafeereire omuri Kristo barizooka,

Reero tukabagana aha kitinisa ky'okuzooka Kwe;

Obu entoore Ze ziriteeranira omu ka yaazo ahaiguru omu kaabunga,

Amaziina ku gariba nigeetwa ahaiguru okwo, ndyaba ndiyo.

73 Omuri Baiburi, ekigambo Okubakurwa tikikozesiibwe nangwa na kakye. Ekyo kigambo tufa kukigamba. Baiburi neegira ngu, “kutwarwa; okutwarwa.” Twashoma hanu omu kitabo ky'Abatesalonika kya Kabiri . . . Nimmanyisa ekitabo ky'Abatesalonika ky'Okubanza, nibwo buteekabw'Okutwarwa kukuru oku oku kuriba omu biro by'aha muheru. Muhurikize eki hanu. Twaza kutandikira hanu aha mushororongo gwa 13.

. . . kwonka, b'eishe-emwe, (tinaakwenzire) ngu . . . mutamanya eby'abo abagwejegyeire, murekye kuganya nk'abandi abataine matsiko.

Ahakuba ku turaabe nitwikiriza . . . ngu Kristo akafa yaazooka, n'abaagwejegyereire omuri Yesu nikwo . . . Ruhanga aribareeta atyo hamwe nawe.

Kandi nitubagambiraeki, tukigambiirwe Mukama waitu, ngu itwe abahuriire abarishangwa bakiraho aha kiro ky'okwija kwa Mukama, tituribandiza . . . (Ekyokigambo okubandiza nikimanyisa “okuzibira.”) . . . aboabaagwejegyeire.

Ahakuba Mukama aryayeimukira . . .

Hati muhurikize mutaireho omutima.

. . . Mukama aryayeimukira ashuume naaruga omu iguru agambe munonga n'eiraka rya maraika omukuru . . . n'enzamba ya Ruhanga; kandi abaafeereire omuri Kristo nibo baribanza kuzooka: . . .

74 Hati niinyenda ngu mwetegyereze ekintu kikuru ekirikubaho hanu hati. Eki mutakifeerwa. Mwareeba? Hati mwetegyereze. Ekigambo nikigamba hanu, omu kitabo kya Kabiri ky'Abatesalonika, ngu hariho ebantu bishatu. Mwetegyereze. Okuruga aha mushororongo gwa 13 okuhitsya aha gwa 16, hariho ebantu bishatu ebirikuteekwa kubaho Mukama We wenka atakareebekire. Juba juba hati, nikwo tubaase kuhendera. Mwareeba? Ekintu ky'okubanza ekirikubaho . . . Mwetegyereze: okugamba munonga, eiraka, enzamba. Ka Tukishome hati tureebe ku garaabe gari amazima. Mwareeba?

Ahakuba Mukama aryayeimukira(orunyiriri rwa 16) ashuume naaruga omu iguru agambe munonga n'eiraka rya maraika omukuru, ne, . . . n'enzamba ya Ruhanga: . . .

75 Ebantu bishatu nibibaho. Eiraka . . . Okugamba munonga, eiraka, enzamba, nibiteekwa kubaho Yesu atakareebekire. Hati, okugamba munonga . . . Yesu naabikora byona bishatu Yaaba-Yaaba-Yaaba-Yaaba Naashuuma.

Okugamba munonga, okugamba munonga niki? N'Obutumwa oburikubuurirwa, okubanza, Omugaati gw'Amagara oguhuriire ogurikwhayo Omugore.

Hati, Ruhanga aine omuringo ogu akoreramu ebantu. Kandi tahindura aha ntwaza Ye. Tahindura entwa- . . . Ye. Ni Ruhanga otahinduka. Omu kitabo kya Amosi 3:7, Akagira ati, “Tarikora kintu kyona omu nsi Atabandize kukishuuuruira bairu Be baanabi.” Kandi buzima nk'oku Yaakiraganiise, Aryakikora.

76 Hati, turabire omu busingye bw'ekanisa. Kwonka turaganisiibwe omu biro by'ahamuheru, okurugiirira ahari Malaki 4, ngu haryabaho okugaruka, kwa nabi omu nsi. Ago n'amazima. Yetegyereze obuhangwa bwe, oku arikwija kuba ari. Obutoosha A . . .

Ruhanga akoresa ogwo mwoyo emirundi etaano: rimwe omuri Eliya; omuri Elisa; omuri Yohaana Omubatizi; kweta Ekanisa kurugayo; n'Abayudaaya abatsigaireho. Emirundi etaano, “embabazi,” Y-e-s-u, o-k-w-i-k-i-r-i-z-a, kandi n'enamba y'embabazi. Mwareeba? Kare.

77 Hati, mwijukye, Obutumwa obu buraganisiibwe. Kandi obu ekibiina ky'ababuurizi abatendekirwe kyajwangiirekimweenaama ezi zoona hamwe batyo, nikiija kwetaagisa nabi o-orugiire kimwe ahari Ruhanga Kuzishuuura. Kandi ekyo buzima nikyo Yaaraganiise kukora. Mwareeba?

Hati, mwijukye, “Ekigambo kya Mukama kiija ahari nabi,” ti ha muntu otendekirwe eby'ediini. Nabi, n'orikworeka Ekigambo kya Ruhanga. Tarikubaasa kugamba ekintu kyona; tarikubaasa kugamba ebiteekateeko bye. Naabaasa kugamba ebi Ruhanga ashuurwire byonka. Nangwa nanabi Balamu obu yaagyezaho kuguzibwa, kuguza obugabe bwe, akagira ati, “Nabi weena naabaasa ata kugamba ekintu kyona kitari eki Ruhanga arikuba ataire omu kanwa ke?” N'ekintu eki Ruhanga akora, eki otaine eky'okukigambaho ekindi. Kandi nikwo orikuzaarwa otyo. Nk'oku otarikubaasa ku . . .

78 Ku waakugira oti, “Ti-ti-tindikubaasa kubuuruura amaisho gangye,” kunu orikureeba. Waareeba? Tokaakikora. Tokaakwata aha mukono gwawe, kunu orikubaasa. Waareeba? Tokaabaasa kuba embwa kunu ori omuntu. Waareeba? Nikwo ohangirwe otyo.

Kandi Ruhanga nawe, nikwo atwire, omu busingye bwona, kurabira omuri Isaaya, Yeremia na boona,

Eliya, omu busingye obwahingwire. Ekibiina ky'abanyadiini abatendekirwe kukyabaire kijwangirana ebintu byona, Ruhanga akaba ayohereza nabi, amwiha ahantu aharikugaywa. Akaba ataba memba w'embeera zaabo zonna, kandi agamba Ekigambo Kye. Akaba ayetwa arugaho, ayegyendera, omushaija empwa-bwoba w'Amazima ga Ruhanga. Kandi okwo nikwo waabaire omumanya obutoosha. Akagira ati, "Omuriimwe ku haraabe harimu ow'omwoyo nari nabi . . ."

79 Hati, baanabi. Hariho ekintu "nk'ekiconco ky'obunabi" omu Kanisa; kwonka nabi amanywa ira atakabaireho kandi atooranwa ahabw'obwire obwo. Mwareeba? Eego, sebo. Hati, obunabi kubuheebwa, babiri nari bashatu nibateekwa kushutama babushwijume yaaba buhikire nari butahikire, batakabugambiire ekanisa.

Kwonka tihariho n'omwe owaabaire ashwijuma nabi, 'habw'okuba akaba ari-akaba ari Ekigambo kya Ruhanga buzima. Akaba ari ekyo Kigambo omu bwire bwe. Okaba oreeba Ruhanga naayeyoreka. Hati, Ruhanga akaraganisa okugaruka akamutwoherereza omu biro by'ahamuheru, kwiha Omugore omu muzambaaro gw'ediini, nigwo muringo gwonka ogu kirikubaasa kukorwamu.

80 Tikirikorwa; ekanisa tekaabaasa kwakiira Kristo. Itwe, Abapentekoote, titurikubaasa kutwara Obutumwa obu omu maisho omu mbeera ei ekanisa erimu ebiro ebi. Nituza kutwara tuta obwire bw'ahamuheru omu mbeera ei barimu eriizooba, kunu buri omwe naahakanisa ondiijo, n'ebindi byona, kandi omu buryo bw'ediini? Oo, embabazi! N'omuzambaaro. Baaherize kutaaha omu bigombe by'amadiini. Kandi obwire bwona . . . Ninshaba hagire ow'ebayaayo weena owa-owa-owaakihakanisa. Buri kaire ku obutumwa bwabaire burangwa omu nsi, kandi ku baabaire babukoram ukiina ky'ediini, bukaba bufeera aho. Kandi Abapentekoote bakakora ekintu nikyo kimwe eki abo boona baakozire, abo Bapentekoote abaarugiremu..

81 Imwe, aba Assemblies of God, obu baashona baanyoko baruga omuri ebyo bigombe by'amadiini enyima okwo, omuri orwo Rukiiko Rukuru orwa ira, nibateera akaari nibahimbisa Ruhanga, kandi bakahakanisa ebintu ebyo. Kwonka imwe mukahinduka, "nk'oku embwa egarukira ebitanaki byayo, n'empunu omu shaabo yaayo," mwakora ekintu ekirikushushana n'eki baakozire. Mbwenu hati muri abanyadiini munonga, mukingire omutima gwanyu gw'esaasi. Nooteekwa kubanza waatunga kaada y'okukwatanisa omuntu atakakwataniise naimwe, haihi.

Imwe, ab'obumwe, Ruhanga akabaha obutumwa nk'obwo, kwonka omu mwanya gw'okugumizamu, mukagumizamu kwecureeza kandi mukagyenda omumaisho, kikabeetaagisa kworobyamu kandi ekibiina kyanyu mwakihindura ekibiina ky'ediini. Mbwenu mwna muri nkahi? Omu baketi niyo emwe. Ago n'amazima.

Kwonka Omwoyo wa Ruhanga, naagyenda omumaisho. "Nyowe Mukama Nkagubyara. Ndyaguma ngushukyeere amaizi, nyomushana na nyekiro. Ngu hatagira owa . . ." Akaragiira ebintu ebi ngu bibeho, mbwenu Naateekwa kwoheereza Eki.

82 Ekintu ky'okubanza kubaho, ku Araatandikye kushuuma naaruga omu Iguru, nihabaho okugamba munonga. Ekyo niki? N'Obutumwa, bw'okuteeranira abantu hamwe. Obutumwa nibubanza kugambwa. Hati, n'obwire bw'okushemeza etabaaza, "Mwimukye mushemeze etabaaza zaanyu." Obwo ni bunaku ki bw'abarinz? Obwa mushanju, t'obwa mukaaga. Obwa mushanju, "Reeba kishwera yaija. Mwimukye mushemeze etabaaza zaanyu." Kandi bakakikora. Bamwe omuribo bakashanga bataine Majuta goona omu tabaaza zaabo. Mwareeba? Kwonka n'obwire bw'okushemeza etabaaza.

N'obwire bwa Malaki 4. Eki Yaarag-. . . Ni Luka 17. Ni-ni Isa-. . . Obunabi Obwo bwona kugira ngu Bubaase kuta omu buteeka obuhikiire kimwe ahabw'obwire obu, omu Byahandiikirwe, nitubureeba ahoburi obuhuriire. Tihariho . . .

83 Nooreeba ebintu ebi nibibaho, ow'eishe-emwe mugyenzi wangye omukundwa, ow'eishe-emwekaza. Kandi, Ruhanga omu Iguru naamanya ngu nkaafeera aha kituuti aha hati hati. O-oshemereire kugyendagyendamu akaire kakye. Ni . . . Ni kikuru munonga, ku orikureeba Ruhanga naashuuma naaruga omu Iguru, naayemerera omu maisho g'ebibiina by'abantu, akeemerera aho, Naayemanyisa nk'oku Ataura naakora. Kandi ago n'Amazima, na Baiburi egi ebiikwirwe. Nimureeba? Kihikire. Turi hanu.

Enkora y'ebigombe by'amadiini efiire. Ehweire. Terigaruka kwimuka na kakye. Eryayokibwa. Ekyo nikyo okorera ebishushu omu musiri. Kihungye. Taaha omuri Kristo. Otagira oti, "Ndi Omumetsodisiti. Ndi Omubaputisiti. Ndi Omupentekoote." Iwe taaha omuri Kristo.

Ku oraabe ori omuri Kristo, tihariho Kigambo na kimwe ekihandiikirwe Hanu eki Otarikwikiriza. Tindikufayo eki ondiijo muntu weena yaagambire. Reero Ruhanga atuma ekintu ekyo kyabaho. Habw'okuba, iwe, ku Ashuka Omwoyo aha Kigambo, ekibaho niki? Nk'okushuka amaizi aha mbibo endijo yoona. Nikiba ekihuriire, kandi Kizaara omu muringo Gwaky.

84 Noogira oti, "Nkabatizibwa n'Omwoyo Orikwera." Ekyo tikirikumanyisa ngu ojunirwe, bitaaniire kimwe.

Reeba hanu, ori omuntu w'enyabushatu. Nikwo ori. Omunda y'omuntu mukye ogu harimu amagara, ekirikukurataho n'omwoyo, kandi ekindi n'omubiri. Hati, oine ebihurikizo bitaano omu mubiri ogu, kukoragana n'eka yaawe y'omu nsi. Tibirikukoragana n'ebindi byona. Oine ebihurikizo bitaano by'omwoyo, hanu: okukunda n'eiraka ry'omunda, hamwe n'ebindi byona nk'ebyo. Kwonka omunda hanu nihoorikutuura. Ekyo nikyo ori.

Yesu taragizire ngu, "Enjura egwa aha bahikiriire n'abatahikiriire"? [Abateeraine baagira bati, "Amiina." - Omur.] Ta akakurura aheeru hanu, n'engano aheeru hari, haza obishukyeere amaizi, kandi ogume noobitaho orwezo n'ebintu nk'ebyo, byombi tibirkubaisibwaho amaizi gamwe? ["Amiina."] Buzima. Mpaho, kwonka niki? Kimwe omuribyo nikiza kuzara akakurura, 'hakuba nikyo kyonka eki kari. Akakurura nikaimutsya emikono yaako kateere akaari nk'engano.

85 Baiburi terikugira ngu, "Omu biro by'aha muheru, haryaija Baakristo b'ebishuba"? [Abateeraine baagira bati, "Amiina." - Omur.] Ti "Yesu w'ebishuba," hati. "Baakristo b'ebishuba," abashukirweho amajuta, abashukirweho amajuta omu buryo bw'ebishuba aha Kigambo; abashukirweho amajuta g'ebigombe by'amadiini, kwonka atari omu Kigambo.

Ahakuba Ekigambo Nikyehamya Kyo kyonka. Tikirikwetenga ekindi kyona. Nikyehamya Kyo kyonka.

"Kandi haryaija abashukirweho amajuta b'ebishuba." Mwine orutambi rw'amaraka rwangye ahari ekkyo. Kandi abo abashu- . . .

Oo, ku waawkweta omwe omuribo, okamubuuza oti, "Oo, iwe, ori Yesu?"

"Oo, buzima tindiwe." Ekkyo tibarikubaasa kukiikiriza.

Beitu ku kirikuhika ahari "Oo, ekitiinisa! Nshukirweho!" Kandi n'okushukwaho kw'amazima. Mwijukye, Kayaafaakaba Akwine, nawe, kandi yaaragura. Na Balamu Akaba Akwine, kandi yaaragura.

Kwonka ekkyo tikiine kakwate n'ogu, ow'omunda. Ogwo muntu w'omunda ku araabe yaabaire atari mbibo ya Ruhanga, akarondo kw'okwijukuruza Ke kuruga omu kutandika, yaamanyirwe ira atakabaireho, ohweire. Tindikufayo oku orikuteera akaari munonga, okagamba endimi, okairuka, okateera akaari. Ekkyo tikiine kakwate nakyo.

Akakurura nikabaasa kureebeka nk'ebindi byona. Ndeebire abakaafiiri nibaimuka, bakateera akaari, bakagamba omu ndimi, kandi-kandi bakanywera eshagama omu mpanga y'omuntu, bakatakira Sitaane. Mwareeba? N'ahab'ekkyo tori . . . Eby'okucamukirira ebyo byona n'ebindi, byebwe.

N'omutima gwawe omuri ekkyo Kigambo, kandi ogwo ni Kristo. Kitaasyemu, reero Okireebe Nikyeyoreka Kyo kyonka, Kyaba nikishuururwa nk'endijo mbibo yoona, kandi Kikeemanyisa Kyo kyonka omu busingye obu Kirimu.

86 Luteeri akaba atarikubaasa kureeta ekindi kyona kureka akataagi kato. Abandi aba bakaba nibabaasa kureeta ebindi ebi. Hati turi omu busingye bw'engano.

Abaaluteeri b'amazima Baaluteeri bakaba nibateekwa kuzaara Luteeri w'amazima. Omupentekoote w'amazima akaba naateekwa kuzaara pentekoote y'amazima. Nikyo ekkyo kyonka. Kwonka tuhingwire obwire obwo, kandi nitugyenda omumaisho.

Ebyomubaire nimumanyangu, ekanisa Enkatorika, ekatandika eri ey'abapentekoote? Kandi ekanisa y'Abapentekoote ku yaakugumaho emyaka enkumi ibiri, ekaaba mu mbeera mbi munonga okukira oku ey'Abakatoriki eri hati. Buzima kwo. Ekkyo ninkigambira ab'eishe-emwe bagyenzi bangye, ab'eishe-emwe kazi bagyenzi bangye, abu ndikukunda. Kandi ekkyo Ruhanga naakimanya. Kwonka mwijukye, banywani, nintekwa kubabuganaseeri okwo aha kiro ky'Orubanja. Kandi ekkyo nikibaasa kutatwarabwire buraingwa munonga. Nintekwa kuhamya ago Mazima.

87 Ku naaggiire omu nteerane naimwe, ninshabira abarwaire, kikaba kiri kirungi. Kwonka, ku naizire n'Obutumwa! Obutumwa bwona ku bubuurirwa, n'Obutumwa bw'amazima . . .

Ku birikuba biri eby'amahanoby'amazima ebihikire bya Ruhanga, kandi omuntu ogwo akaguma omu kigombe ky'ediini ekkyo, obwo omanye ngu ti bya Ruhanga, 'habw'okuba ekintu ekkyo kikarangwa kare.

Yesu akagyenda naakiza abarwaire, kugira ngu baije kureeba, abo bantu, bwanyima yaareeta Obutumwa Bwe. Ekkyo kihikire.

Nihateekwa kubaho ekintu eki Ruhanga arikuza kureeta. Na . . . Okutamba kwa Ruhanga, eby'amahano Bye batyo, kugira ngu abantu bamureebe kwonka. Ekikuru munonga Kyabyo n'Obutumwa. Nikyo ekkyo, ekkyo ekirikuruga omunda hanu. Naagyezaho kukundwa abantu, kugira ngu bashutame Bamuhurikize, mwareeba, ahakuba omwo harimu bamwe abaatooraniirwe Amagara.

Enjuma zimwe, z'engano zikagwa aha itaka, enyonyi zaazitorotoora. Ezindi zaagwa omu mahwa. Kandi ezindi zikaba, zikagwa omu itaka eritebeekanisiibwe, eitaka eryabandize ryatebeekanisiibwe, kandi zaayera.

88 Hati, ekintu ky'okubanza, n'okugamba. Ekintu ky'okubanza n'enzamba hamwe n'e . . . nimmanyisa eiraka . . . Okugamba munonga; bwanyima eiraka; reero hakurateho enzamba.

Okugamba munonga: entumwa erikutebeekanisa abantu.

Ekya kabiri n'eiraka ry'okuzooka: eiraka niryo rimwe riri, eryo Iraka rihango ry'omuri Yohaana Orikwera 11:38-44, eryayetsire Lazaaro kuruga omu kituuro.

Okuteeranira hamwe Omugore; reero hakurateho okuzooka kw'abafu, mwareeba; abonekutwarwa Nabo. Hati mureebe ebyo bintu bishatu ebirikubaho. Ekirikukurataho niki? N'enzamba. Eiraka . . . Okugamba munonga; eiraka; enzamba.

89 Hati, ekintu kya kashatu, n'enzamba, ei burijjo, aha bugyenyi bw'enzamba, eyeta abantu aha bugyenyi. Kandi ekyo kiryaba ahari Kyakiro y'Omugore, Kyakiro y'Omwana gw'Entaama hamwe n'Omugore, omu kaabunga. Mwareeba?

Ekintu ky'okubanza kubaho n'Obutumwa Bwe, oburikweta Omugore kuteeranira hamwe. Ekirikukurataho n'okuzooka kw'Omugore ogwejegyeire; a-aboabaafiire kare omu bundi busingye, nibatwarwa hamwe. Kandi enzamba, Obugyenyi omu mwanya, omu kaabunga. Ahabw'enki, ekyo nikyo kintu ekirikubaho, banyani.

Aho twaherize kuhikaho, tweteekateekire hati. Ekintu kyonka, Ekanisa yaaba neerugayo neeteekwa kuguma omumaisho g'Omwana kugira ngu ekure.

Ekyoma ky'amaani ekirikugyesha nikiza kwija, ahanyima y'akaanya kakye. Engano nizija kwokibwa, emishengye, kwonka enjuma nizija kuhunika omu kitara Kyazo. Mwareeba?

90 Timuri mpumi. Muri-muri abantu abarikwetegyereza.

Mbwenu nkaayemerera aha ngamba ebintu ebyo ahabwa rwango? Nimbigamba ahabw'okuba n'Amagara, ahabw'okuba nyine obujunaanizibwa ahari Ruhanga Okubigamba. Kandi ninteekwa Kubigamba, hamwe n'Obutumwa bwangye. Obwire bwona nkaba nimmanya, obunaku bwa kare omu kutambira abarwaire n'ebindi nk'ebyo, kukaba kuri okugira nguabantu bajje, nimmanya ngu Obutumwa bukaba nibwija. Mbwenu Mbubu hanu. Kandi obwo Bumanyiso Mushanju bubambwirwe, ezo naama, n'okworeka ku ebintu ebyo nibyo byabaireho. Nkaba ntarikukimanya.

Kwonka hariho abashaija abeemereire hanu honyini hati, abaabaire beemereire naanye buzima. Kandi, mwena mukahurira nimbuurira eryo ishomo: Baasebo, Ni Bwire Ki? Akasheeshe ako, aho honyini ahu Kyagambre ngu Kiryaba, aho honyinikhakaba heemereireho Baamaraika mushanju, nibaruga omu Iguru. Kandi ku Baabaire nibatumba, akasooroora Nikabatwara ahaiguru okwo, naitwe twemereire, nitureeba obwo bariyo Nibagyenda, sayansa Ekakiteera ekishushani, okwo hoona omu mahanga, okuhika eifo omuri Mexico.

91 Kandi aho, ku naabaire nindeeba, eizooba rimwe, ku naatandikire kubuurira obuBusingye Mushanju bw'Ekanisa. Kandi nkeeta Jack Moore, otendekirwe omu by'ediini mukuru. Naamubuuza nti, "Jack, Omuntu Ogu n'oha oyemereire aho? 'Hariho Omuntu orikushushana n'Omwana w'omuntu oyemereire aho, eishokye niryera nk'ebyo by'entama.'" Naagira nti, "Akaba ari Omutsigazi, Naabaasa ata kugira eishokye erirkwera nk'ebyo by'entama?"

Yaagira ati, "Ow'eishe-emwe Branham, ogwo gukaba guri omubiri Gwe oguheirwe ekitiinisa." Ekyo tikirashorongire gye.

Kwonka ku naataahire omu kishengye naatandika kushaba, Akaamanyisa eki kyabaire kiri. Mwareeba?

Burijjo ntuura nimbuurira ngu ni Ruhanga, tari muntu kusha. Akaba ari Ruhanga oyorekirwe omu mubiri: Ruhanga, ekicweka kya Ruhanga, kya rukundo; ebicweka bye bikuru ebyaizire, bikoorekwa hanu omu nsi, bya Ruhanga. Yesu akaba ari rukundo ya Ruhanga, eyaayombekire omubiri ogu Yehova We wenka yaatwiremu. Omuriwe hakaba harimu Obwaruhanga bwona obureeberwa omu mubiri. Eki Ruhanga yaabaire ari, akakyorekyera omu mubiri ogwo. Ogwo mubiri gukaba niguteekwa kufa, kugira ngu Abone kwozya Omugore n'e-n'e-n'Eshagama Ye.

92 Kandi mwetegyereze, Omugore tayogiibwe kwonka, akasaasirwa, kureka Aihirweho n'orubanja. Mwareeba? Muragyizeraho ekyo kigambo okwiwhaho orubanja, kwetegyereza eki kirikumanyisa?

Hati, nk'eky'okureeberaho, Ow'eishe-emwe Green ku yaakuba ahuriirengumbaire niinywa amhaarwa, ngu mbaire ninkora ebintu bibi, bwanyima akashanga ngu timbikozire. Bwanyima akaja akagira ati, "Naakusaasira, Ow'eishe-emwe Branham."

"Wansaasira? Tinkabikoraga. Wansaasira ki?" Mwareeba? Kwonka ku naakubambikozire, obwo nimbaasa kusaasirwa; kwonka nabwo nimba ntaihirweho rubanja, ahabw'okuba mbikozire.

Kwonka ebigambo okwiwhaho orubanjani "nk'otakakikoraga, nakakte." Okwiwhaho orubanja! Nibwo Eshagama ya Yesu Kristo etushemezaho ebibi, okuhitsya obu birikuteebwa omu Kitabo kya Ruhanga ky'okwebwa. Niwe Wenka orikubaasa kukikora.

Titukaabaasa. Nitubaasa kusaasira kwonka titukaayebwa. Nimbaasa kukusaasira, kwonka ndyaguma niinyjuka ngu okakora ebi bintu bibi. Obwo, n'oba otaihirweho rubanja; n'oba osaasiirwe.

Kwonka omu maisho ga Ruhanga, Omugore aihirweho orubanja. Takakikoraga, okubanza kwa byona. Amiina. Ayemereire aho, ashweirwe Omwana wa Ruhanga w'emicwe mirungi; takashiishaga, okubanza kwa byona. Ahabw'enki? Omugore akatooranwa ira atakabaireho. Akategwa yaakikora. Reero hati ku Yaahuriire ago Mazima yaarugayo, egyo Shagama Yaamushemeza. Mbwenu Ayemereire aho, aine emicwe mirungi. Mwareeba? Omugore,taine kibi, na kakye.

93 N'ahabw'ekyo, Obutumwa nibweta Omugore kuteeranira hamwe, mwareeba, okwo kugamba munonga.

Kandi enzamba . . .

Niwe Ogwo omwe, We, n'eiraka rihango, Akagambira ahaiguru n'okwo kugamba munonga n'eiraka, yaasisiimura Laazaaro. N'eiraka rihango Akagamba munonga ati, "Laazaaro, shohora oije." Mwareeba? Kandi eryo iraka nirisisiimura-nirisisiimura Omugore owaagwejegyeire, abafu abaagwejegyeire.

Kandi egyo nzamba, "n'eiraka ry'enzamba." Kandi ku egamba, eyeta. Burijo, enzamba ekaba eyeta Israeli aha bugyenyi bw'okuteera enzamba. Mwareeba? Obwabaire buri Obugyenyi bwa pentekoote, obwo Bugyenyi bukuru omu kaabunga; n'obugyenyi bw'okuteera enzamba. Kandi hati, enzambaneeyeta abantu kuteeranira hamwe, "Mwije aha Bugyenyi." Kandi hati egyo ni-ni Kyakiro y'Omwana gw'Entaama omu kaabunga.

Hati mureebe. Okwo kuteeranira hamwe; n'Omugore; obugyenyi bw'okuteera enzamba, egyo Kyakiro y'Okugaitwa. Tubireebire omu birikushushanisa. Hati yetegyereze ahabw'akaanya kakye tutakahendeire. Yetegyereze. Tubireebire omu birikushushanisa.

94 Hati, ku oraabe nooyenda kushoma omu kitabo kya Matayo 18:16, Nikigira kit, "Hariho ebirikuhamya bishatu," waareeba, omuri . . . Orikwnra. Omu baruha ya Yohaana y'Okubanza 5:7, n'ahandi. Ishatu burijo n'ekirikuhamya. Ekyo kihikire? [Abateeraine baagira bat, "Amiina." -Omur.] N'ekirikuhamya, ekintu ekihikire. Baakareebi bashatu bahamya. "Ekigambo kihamibwe baakareebi babiri nari bashatu."

Hati mwetegyereze, tutungire baakareebi bashatu. Ishatu n'ekirikuhamya. Hati, twaherize kugiraho okutwarwa kw'emirundi eshatu omu Ndagaano eya Ira. Ekyo mubaire nimukimanya? Nk'ekirikuhamya. Hati mureebe. Enoka akaba ari omwe; Eliya akaba ari ondijo; na Yesu ari ogwo ondi.

Yesu, ahabw'okushangwa ari Eibaare rikuru, hati, Akahamya. Mwareeba? Akaba ari Eibaare rikuru ahagati y'Endagaano eya Ira n'Endagaano Ensya, 'habw'okuba Akaba naateekwa kubanza yaafa na bwanyima akatwarwa. Akafa; yaazooka kandi yaagyendagyenda hanu naitwe; bwanyima yaatwarwa. Ahabw'okuba, Akaba ari Eibaare rikuru eryabaire niribuganisa ezo ibiri hamwe. Ahanyima y'okuzooka Kwe n'okutwarwa . . . Reeba. Ku Yaaherize kukora ekyo, n'okuhamya, egyo ndagaano eya Ira aho. Twena nitumanya ku Enoka yaatweirwe. Nitumanya ku Eliya yaatweirwe omu iguru n'omuyaga gw'akasooroora, ago n'amazima, omu kigaari ky'Omuriro. Kandi Yesu akafa, yaaziikwa, yaazooka kandi yaatuura hanu omu nsi, reero bwanyima yaatwarwa, eryo Ibaare rikuru. Mbabo aho bashatu, abarikuhamya. Tikwo kiri? [Abateeraine baagira bat, "Amiina." -Omur.]

95 Hati, hariho okutwarwa kumwe okwaherize kubaho. Ekyo nimukimanya? Ekyo, ka tureebe yaaba tutakaakishoma, jubajuba. Ka tubikuure ekitabo kya Matayo, eshuura ya 27. Kandi ka tuze nk'aha runyiriri rwa 45 orwa Matayo, eshuura ya 27. Ka tureebe yaaba ekyo tutakaakitunga jubajuba, tukareeba yaaba-yaaba tutarikubaasa kutungaeky'okutuhwera kikye omuri eki, jubajuba. 27:45, niinyikiriza nkihandiikire hanu. Ka tushome.

Okuruga aha shaaha ya mukaaga okuhitsya aha ya mwenda . . . omwirima gwashweka ensi yoona.

Ku bwabaire buri haihi kuhika aha shaaha ya mwenda, Yesu yaagamba n'eiraka rihango, ati: Eli, Eli, laama sabaka- . . . ?Amakurungu . . . Ruhanga wangye, n'enki ekyakuntsigisaho?

Bamwe aha baabaire beemereire aho, . . . ku baakihuriire, baagira bat: Omushaija ogu naayeta . . . Eliya.

Ahonaaho omwe aharibo yairuka, yaakwata ekyangu, yaakijabika omuri viinyo erikushaarira, yaakita aha kibingo, yaamuheereza kunuya.

Abandi baagira bat: . . . reka tureebe Eliya ku araabe naija kumujuna.

Bwanyima Yesu yaagaruka yaagamba. . . n'eraka rihango, yaahayo . . .

"Eiraka rihango." Eiraka rihango! Mureebe.

Yesuku yaabaire naafa, akagamba munonga n'eiraka rihango, yaahayoamagara ge.

Omukingo gw'omuri hekalu gwataagukamu ebicweka bibiri okuruga aha mutwe gwagwo okuhika ahansi, ensi yaatengyeta, enkiri z'amabaare zaayatika,

Ebituuro byaiguka; emitumbi mingi. . . y'abahikiriire abaabaire bagwejegyeire yaazoorwa;

Baaruga omu bituuro bwanyima y'okuzooka kwe, baataaha omu rurembo orurkwera, baareebwa baingi.

96 Okutwarwa kumwe kukaheza kubaho.

Okutwarwa kw'emirundi eshatu kukabaho omu Ndagaano eya Ira, ahari abo abaabaire beeteekateekire, abu Ekigambo kya Mukama kyaiziire. Mwareeba? Ekigambo kya Mukama kikaija ahari Enoka. Ekigambo kya Mukama kikaija ahari Eliya, nabiWe. Mwareeba? Ekigambo kya Mukama akaba ari Yesu. Mwareeba?

Mureebe omu Ndagaano eya Ira, abo barikwera b'omu Ndagaano eya Ira hati, obu okutwarwa oku kwabaho okubanza. Mwetegyereze omushororongogwa 50. Eiraka Rye rihango rikasisiimura abarikwera b'omu Ndagaano eya Ira buzimazima nk'oku eryo iraka rihango ryasisiimwire Yesu . . . nimmanyisank'oku ryasisiimwire Laazaaro. Nimureeba? Eiraka rihango rikasisiimura.

Kandi okutwarwa kwa kabiri nikuhikiirira omuBatesalonika ya Kabiri, eshuura ya 4. Ka tushome, tukishome. Twaheza kukishoma, edakiika nkye ezaahwaho. Mwareeba?

. . . B'eishe-emwe, titwakwenzire ngu . . . mutamanya eby'abo . . . abagwejegyeire, murekye kuganya nk'aba . . .

Aho n'omu Batesalonika y'Okubanza 4:12 kuhitsya ahari 18. Okwo, okwo kuryaba Okutwarwa kwa kabiri. Okutwarwa kwa kabiri kuryaba okubakurwakw'Omugore.

97 Abarikwera b'omu Ndagaano eya Ira bakaza omu Kubaho Kwe, paradiisoekaihwaho. Reero abarikwera b'omu Ndagaano eya Ira baatumba omu Iguru, kuYaagambire n'eiraka rihango, obu Yaagambire munonga Akahayo amagara Ge; ababw'okuba (ababw'enki?) Ekitambo, ekarabo y'ebibi byabo, ei baabaire bategyereize, nibaikiriza nguOmwana gw'entamaa ohikiriire akaba naija. Bakaba baaherize kutamba Ekitambo, Omwana gw'entamaa. Kandi ku Yaafire akahayo amagara ge, akagamba munonga n'eiraka rihango, reero abarikwera b'omu Ndagaano eya Ira baasisiimuka.

Reeba okwo kugamba munonga n'eiraka hanu, nikyo kimwe n'aha Kwija Kwe. Mwareeba?

"Yaahayo amagara ge." Kandi ku Yaagahaireyo, ekyo Kitambo kikaba kihikiriire, reeroomuri paradiiso baahwamu. Abarikwera b'omu Ndagaano eya Ira baagaruka omu nsi, bagyendagyenda omu nsi, bwanyima bataahamu Nawe, aha kutwarwa Kwe.

98 Daudiaho, akagira ati, "Mwigukye, imwe marembo aga ira 'mwe, mwigukye." "Akatwara eminyago, Yaagabira abantu ebiconco," obu abarikwera b'omu Ndagaano eya Ira bataahamu Nawe.

Bakabuuza bat, "Ogwo Mukama w'okuhikiirira n'oha?

"Mukama w'Ekiiniisa, ow'amaani omu mahe." Amahe g'amaani, ngaga hanu gaataahamu, nigatambura. "Yesu akatwara eminyago," ngugu hanu Naija n'abarikwera b'omu Ndagaano eya Ira. Yaataaha omu marembo masya ahaiguru Okwo, yaagira ati, "Mwigukye, imwe marembo 'mwe agatahwaho, mwigukye. Mukama w'Ekiiniisa ataahemu.

Eiraka ryaruga omunda, nirigira riti, "Ogwo Mukama w'Ekiiniisa n'oha?"

"Mukama ow'obushoboorozi omu kurwana." Amarembo gaiguka. "Kandi Yesu, ogwo Musinguzi, yaatwara eminyago," abo Abaamwikiriize, n'Ekigambo kyabaire kyabaiziire. Aho, abarikwera b'omu Ndagaano eya Ira bari aho, barindiriire, "Akatwara eminyago, Yaatemba omu Iguru," yaatwara abarikwera b'omu Ndagaano eya Ira batyo baataahamu. Nkukwo Okutwarwa kumwe, kukabaho.

Okutwarwa okurikukurataho nikubaho (Abatesalonika ba Kabiri) ababw'Ekanisa, ogwo Mugore orizoorwa, akatwarwa omu Kitiinisa. "Itwe abahuriire abarishangwa bakiriho," egyo n'emibiri eriba ekiri hanu omu nsi, "tituribandiza nari okuzibira abo abaagwejegyeire. Ahabw'okuba enzamba ya Ruhanga eryabanza kugamba, kandi abaafeereire omuri Kristo baryazooka." Mwareeba? "Kandi naitwe abahuriire abarishangwa bakirihoturyatwarwa nabo."

99 Ebiro ebihingwire, mbaire nyemereire aha koona y'oruguuto rw'omururembo. Kandi nye-nyemereire aha . . . Mbaire nyemereire aha koona y'oruguuto rw'omururemboindeeba orunyiriri rw'abaserukare aha Kiro ky'okujaguza okuhwakw'Orutaro rw'Okubanza rw'Ensi yoona, obu barabireho, nibagyenda omu ruguuto rw'omu rurembo. Nyemereire aho na mutabani wangye omuto, Joseph. Ezaizire okubanza, zikarabaho, zibaire ziri zaatanka ezikuzire z'orutaro rw'ensi yoona orw'okubanza, zaatanka nkye ezikuzire. Ahanyima y'ezo haija tanka z'amaani za Sherman z'orutaro rusya, n'embundu mpango za rwata migongan'eminwa yaazo, ziine e-eminwa, n'ebindi.

Bwanyima, haija abaserukare; ba-ba-baamaama ba Gold Star. Reero haija ekimotoka kihango kya pareedi, hamwe na . . . kyarabaho . . . Mpaho, aho haija ekimotoka kihango kya pareedi, kandi omu maisho gaakyo habaire hariho ekituuro, "eky'omuserukare otarikumanya." Kandi, habaire heemereireho o-omuserukare, arinzire ekyo kituuro. Aha rubaju ruri habaire heemereireho omuserikare w'aha maizi, n'omurimbi ari aha rundirubaju. Kandi habaire hariho ekirkutaanisa. Kandi aha rubaju orundi habaire hashutamihi maama omwe waGold Star. Akafeerwa omutabani. Habaire heemereireho omukazi muto, ataire omutwe aha meeza, naamira. Omwojo muto ojwaire ebijwaro bikuzire ashutami aha rubaju; emiziga neehimintika omu maisho ge. Akafeerwa ishe.

Naateekateeka nti, "Ka n'obusaasi! Nyemereire hanu nindeeba, nimbareeba, abo bagurusu, abaserukare bakye abatsigaireho; nibatambura aho, bakaremarakandi bakuzire, nka batyo, bajwaire zaayunifoomu zaabo, kwonka nibazeehuriza ahabw'okuba n'Abanyamerika."

Naateekateeka nti, "Ai, Ruhanga wangye!"

100 Ekiro kimwe, haryabaho okubaruka okuriruga omu Iguru, "Reero abaafeereire omuri Kristo baryabanza kuzooka." Abo barikweraab'omu Ndagaano eya Ira enyima okwo, abategyereize, baryajumbukayobajie okubanza, bazookye. Turyaza omu runyiriri buzima, tutwarwe omu kaabunga; egi mibiri ekuzire efa ehindurwe kandi ekorwe kushushana n'omubiri Gwe ogw'ekitiinisa. Ka-ka kuriba okutamburiraomu nyiriri ku baritandika kuza omu iguru, kimwe omu biro ebi, omu bwire bw'okutwarwa obwo oburi omu maisho, oo, n'okwesiima nibooreka Eshagama ya Yesu Kristo aha bifuba byabo, Obutumwa bwa Ruhanga omu bwire obu baatwiremu. Obwo nibwo bwire obu tutegyereize, ow'eishe-emwe.

Mureebe, omu kuhendera hati. Okuzooka kwa kabiri, kwona . . . Okw'okubanza kukaheza kubaho. Okwa kabiri kwiriire haihi, hati hati, nikuza kubahojuba.

Hati, okwa kashatu n'abo bajurizi babiri b'omu kitabo ky'Okushuuuurwa 11:11 na 12. Kandi, aba nibo barikugaruka, n'Omwoyo wa Kristo, kuha obujurizi Abayudaaya, nk'oku Yosefu yaabuhaire beene-ishe. Kandi mwijukye, "Emitumbi yaabo ekarambira omu nguuto y'orurembo, kumara ebiro bishatu n'ekicweka. Bwanyima omwitsyo gw'amagara gwabataahamu, baabakurwa, baatwarwa omu Iguru."

Nkukwo okutwarwa kwawe kw'emirundi eshatu okw'omu Ndagaano Ensyia.

Okutwarwa kw'emirundi eshatu kw'omu Ndagaano eya Ira; kwona kukabaho.

Hati tweteekateekire, tutegyereize okutwarwa, okwo Kutwarwa kw'abarikwera. Kukagambwaho, n'ahabw'ekyo kuryabaho. Ruhanga ku agamba ekintu kyona, "Eiguru ryona n'ensi biryahwaho, kwonka ekyo Kigambo tikiriremwa."

101 Ruhanga ku yaagambire, enyima okwo omu kitabo ky'Okutandika 1, Akagira ati, "Habeho omushana." Obundi hakahwaho emyaka amagana n'amagana hatakabaireho omushana gwona. Akagira ati, "Habeho omukindo. Habeho omwela. Habeho eihamba ry'omusheenyi. Habeho orushozi. Habeho eki." Akakigamba, waareeba. Kandi obwire bwona kyaba kyarugire omu kanwa Ke, omu buryo bw'Ekgambo, nikiteekwa kubaho. Nikiteekwa. Ku . . .

Reero ekiro kimwe, Akeeta abantu Be kurugayo. Kandi Akaba yaagambire n'omushaija orikwetwa Musa, omu Nyomyo y'Omuriro, Omushana; Ogurikwera, Omuriro Ogurikwera. Kandi Musa akaba atari . . . Abantu tibaraikiriize Musa, n'ahabw'ekyo Akagira ati, "Bareete aha rushozi oru."

Akasheeshe ako, orushozi rwona rukaba nirwakaho Omuriro, emirabyo n'enkuba bityo. Reero abantu baagira bati, "Ruhanga arekye kugamba. Musa abe niwe yaagamba, mwareeba, tutahwerekyerera."

Ruhanga yaagira ati, "Tindigaruka kugamba nabo bundi omu muringo ogu, kureka Ndyabaimukiza nabi. Ngambire omuriwe, kandi eki arigamba kiryahikiirira. Obwo, Mukihurire, ahabw'okuba Ndi-Ndi nawe." Hati, ekyo Akakigamba. Akagira ngu kiryahikiirira.

102 Reeba nabi ogu, Isaaya, ayemereire aho; omuntu, omushaija oine obwengye, owaabaire naasiimwa munonga omugabe, 'habw'okuba akaba yaatwirehona Uziya. Ogwo mugabe, owaabaire ari omushaija w'amaani, rimwe akagyeyzaho kuza omu omwanya gw'omubuurizi, ku yaataahiremu, yaateerwa ebibembe.

Kandi ekyo nikyo naagambiireabashuubuzi. Nti mutarigyezaho kuza omu mwanya gw'omubuurizi. Ngaaha, sebo. Gumira kimwe ah'ori. Waareeba? Kora omurimo gwawe, ogu Ruhanga yaataaireho, yaakugambiire kukora. Waaba ori orukumu, torikubaasa kuba okutu. Waaba ori okutu, toriba nyindo, enyindo nari eriisho. Waareeba? Guma omu mwanya gwawe.

Mukahurira obwo Butumwa, ebiro ebihingwire, ha rediyo: KugyezahoKukoreraRuhangaOmurimo. Daudi, omugabe oshukirweho amajuta. Abantu boona nibateera akaari kandi nibagambira ahaiguru bati, "Kihikire." Kwonka tareehanwize ahari nabi wa Ruhanga. Omushaija yaafa, ogwo mukoro gwona gwasiiiskara. Otagyezaho kuhwera Ruhanga. Tegyereza okuhitsya obu obwire bwa Ruhanga burahikye. Kirekye kibeho omu muringo Gwe gw'okukikoramu. "Ninza kutandika ekintu kihango eki. Nikija kukora eki." Yegyendesereze, ow'eishe-emwe.

103 Hati, Daudi akaba naamanya okukira ahari ekyo. Nasani akaba ari omu ihanga, ebiro ebyo. Taramwehanwizeho, na kakye. Mwareeba? Akeehanuuza ahari bakuru b'engabo ab'amagana n'ab'enkumi. Abantu boona bakateera akaari, baagambira ahaiguru n'okuzina baazina. Omu mwanya gw'o . . . Bakagirahookwetwara kwona kw'ekinyadiini, kwonka kukaba kutaterereire kandi kutari omu buteeka bw'Ekgambo kya Ruhanga, n'ahabw'ekyo kukaremwa.

N'ekindi kyona, ekitaterereire kandi ekitari omu buteeka bw'Ekgambo kya Ruhanga, kiryaremwa. Ekgambo kya Ruhanga kyonka nikyo kirigumaho ebiro byona. "Eiguru n'ensi biryahwaho, kwonka kitari Kigambo Kyangye."

104 Reeba Isaaya, ogwo mutsigazi w'obwengye ayemereire aho. Ahonaaho, Omwoyo yaamushuumaho. Akaba atarikubaasa kugamba okundi. Akaba ari nabi. Akagira ati, "Reeba, omwishiki oshugaine aryagira enda." "Omwana w'omwojo atuzaariirwe, Omwana atuzaariirwe, Omwana w'omwojo atuhairwe. Eiziina rye aryayetwa omuhanuuzi, Mukama w'Obusingye, Ruhanga ow'obushoboorozi bwona, Tataitwe Otahwaho. Omuheru gw'o . . . Obutegyeki bwe buryaba aha mabega Ge. Omuheru gw'o . . . Obutegyeki Bwe tiburigira muheru." Ogwo mushaija akaabaasize ata kugamba n'obwengye ngu omwishiki oshugaine aryagira enda?

Buri muntu akakitegyereza. Kikaba kyagambirwe. Kikaba kiri OKU NIKWO MUKAMA ARIKUGIRA. Kikaba nikiteekwa kuhikiirira, 'habw'okuba kikaba kiri Ekigambo kya Ruhanga. Nk'oku kyabaire kiri omu kitabo ky'Okutandika, obu Yaabyara ezo mbibo ahansi y'enyanja, ahu "yaabaire etari mu buteeka kandi erimu busha; kandi amaizi gari maingi." Mwareeba? Kikaba nikiteekwa kuhikiirira. Kandi eizooba rimwe, ahanyima y'emyaka magana munaana, nyinenda y'omwishiki oshugaine yaabaka enday'orwo Ruzaaro rwa Ruhanga, Oruzaaro orwahangirwe. Yaazaara Omwana.

Ogwo Mwana niwe omwe akeemerera aho, eizooba rimwe. Yaagira ati, "Laazaaro, shohora, oije." Kandi omuntu owaabaire amazire ebiro bina afiire, yaajunzire, enyindo zaaherize kugwa omunda, naanuuka, akashohora. Yaagira ati:

Mutatangaarira eki; ahakuba obunaku nibwija, amiina, obu boona abari omu bituuro barihurira eiraka ry'Omwana wa Ruhanga,

N'ahabw'ekyo, kyaherize kugambwa. Nikiteekwa kubaho kityo. Nihaza kubaho Okutwarwa. Oo, mugyenzi!

105 Niinyijuka Obutumwa bwangye obwahereerukire omuri California, ei naateekateekire ngu tindigaruka, obu naaragura nti, "Los Angeles eryatobera ahansi y'enyanja. OKU NIKWO MUKAMA ARIKUGIRA." Eryatobera. Ebyayo bihweire. Eryashwekwa amaizi. Ehweire. Ni bwire ki? Tindikumanya ni ryari, kwonka eryatobera. Bwanyima y'ekyo, emitsitsa ekatandika kutetemesa n'okutengyetsa.

Nimwijuka, baingi ahariimwe abashaija mwemereire aho honyini, orwo rukiri, ekiro ekyo obu Maraika ogwo ashuma aho. Reeroogwo Mushana n'Omuriro nibiruga omu Iguru, kwetoroora orwo rukiri ahu twabaire twemereire aho. Enkiri zikahiguka omu rushozi, zaagwa aho. Hakabaruka emirundi eshatu, n'amaani. Naagira nti, "Ekifubiro nikiza kuteera Omwaro gw'Oburengyerwa-izooba." Ebiro bibiri bwanyima y'ekyo, Alaska kakye etobere.

106 Mwijukeye, Ruhanga owaagambire ekyo, akagira ati, "Los Angeles yaagwerwa." Kandi ehweire. Tindikumanya ni ryari. Tindikubaasa kubagambira.

Tindamanyire nguekyo nkakigamba. Kwonka ow'eishe-emwe ogu hanu, ninEEKATEEKANGUNIWE . . . Ngaaha. Omwe aha ba Mosely, ningira, akambugana okwo omu ruguuto rw'omu rurembo. Tindamanyire eki kyabaire kiriokuhitsya obu naagarukire kureeba. Nkagaruka kureeba omu Byahandiikirwe.

Kandi Yesu akagira ati, "Kaperenaumu, Kaperenaumu, ka nikaingi . . . Iwe oyetingwire, munsaasire, okahika omu Iguru, ngabusha, oryagarurwa ahansi ohikye okuzimu. Ahabw'okuba eby'okutangaaza ebyakoreirwe omuriwe kuri noogira ngu bikakorerwa Sodoma, ekaabaire ekiraho eriizooba." Kandi nk'emyaka igana na makumi ataano kuruga obwo, (Sodoma ekaba yaaherize kuzaomu itaka) bwanyima Kaperenaumu eri omu maizi, nayo, eriizooba.

107 Kandi ogwo Mwoyo wa Ruhanga owaagambire ebi byona, kandi akakora ebi byona, aho Akagira ati, "Ai bambe, iwe rurembo 'we, Kaperenaumu owaayeyetsire eiziina rya Baamaraika, Los Angeles, k'oyetingwire okahika omu iguru! Entsibuko yonyini kandi entebe ya Sitaane, nimureeba, oyetingwire."

Ababuurizi, n'eirimbo aharibo. Abashaija barungi bazayo kandi bafa nk'embeba. Ka n'okucwekyereza!

"Iwe oyeyeta eiziina rya Baamaraika; eby'okutangaaza ebyakoreirwe omuriwe kuri noogira ngu bikakorerwa omuri Sodoma, ekaabaire eriho na hati. Kwonka obwire bwawe bwahika."

Mwetegyereze haza mureebe. Ku eriba etatobeire, nimba ndi nabi w'ebishuba. Mwareeba? Ngigyo aho. Eri aho.

108 Niinyijuka ekyo kiro, ekyo ntakakireebire, nkareeba oku Omugore arishusha. Nkeemerera aho naareeba omukazi mukye murungi, ajwaire kurungi, n'ebindi, naagyenda nk'omuserukarebat. Hakaba hariho Omuntu owaabaire anyemereire aha rubaju, omu kworekwa. Reero naareeba. Baagira bat, "Oku Omugore arishusha." Naamureeba Naarabaho. Baareetwa aha rubaju oru, baayetooroora.

Naaghurira neija, a-amakanisa nigaija nigaruga orubaju ruriya. Ngigyo yaija ekanisa ya Asia, Oo, kyo gaamba aha burofa! Ngigi hanuyaija ekanisa ya Buraaya. Oo, mugyenzi! Reero naahurira amazina ga disiko nigaija, kandi akaba ari Omukyara Amerika, ekanisa, atajwaire nangwa n'ekijwaro kyona. Akaba aine ebipapura, nk'empapura z'amahurire, by'erangi ya kihuura, abikwatiire omu maisho, naazina ebyeshongoro bya disiko; Omukyara Amerika, ekanisa.

Nkeemerera aho Omu maishoGe. Naateekateeka nti, "Ai Ruhanga, nk'omuheereza, ekyo ku kiraabe nikyo kirikukirayo oburungi eki tubaasize kukora! Ai bambe! Ai bambe! Noomanya oku orikwehurira. Bwanyima naagira nti, "Ai Ruhanga, nshereka. Kurinimbaasa kutoroka nkaruga hanu. Ku kiraabe kiri ngu omuri byona ebi tukozire, eki nikyo tubaasize kukora, ebi nibyo twihiremu?"

109 Reero abakazi abo ku baarabireho, boona nibazina nibeetogonyora omu buryo bwongan'ebindi, n'eishoke rigufu, n'obuso busiigire erangi. Kandi ku baarabireho batyo, nibateekatekwaho kuba abaishikiabashugaine ahari Kristo. Kandi ku yaarabireho atyo, naahindura omutwe, noomanya, akwatiire eki omu maisho gangye. Ebicweka byabo by'enyima bikaba ni-bikaba nibikwatsa enshoni. Mbwenu mbabo bakaba bari aho, nibagyenda batyo. Nkahindura omutwe, naaria, batyo.

Naagira nti, "Ti-tinkaabaasa kukigumisiriza aho. Obwo Maraika ayemereire aho, naanye nimmanya ngu ndi omuheereza w'Ekanisa, mbwenu ekyo nikyo naabaire Mwihiiremu." Naagira nti, "Ai Ruhanga, tinkaakireeba. Reka nfe. Mbu-mbureho," batyo.

Kandi ahonaa ho ku yaashohoire, buri kaire omwe omuribo ku yaabaireajja, bakaba bashohora bagira mwanya ogu baazamu, bwanyima baahiringita baabura. Nkaba mpurira eiraka ryabo obwo bariyo nibabura.

Bwanyima naahurira ekintu kiri nka "MugumizemuAbakristaayo Abarwani. Naareeba, reeronkiki hanu kyaija ekibiina ky'abaishiki bato abarikwera, buzimank'oku baabaire bari, boona bajwaire kurungi, eishokye ryabo nirizeereera nirihiha ahansi aha migongo yaabo. Banyiriire, beecumire, nibatambura kinyamahe bati, entambo z'Enjiri.Omugore ogwo Akaba ari Kigambo. Bakaba nibareebeka oti shanaomuri buri ihanga harugiremu omwe. Nkaba nimbareeba oku baabaire nibarabaho, naabareeba nibarabaho.Omu mwanya gw'okushuumma, bakatandika kutemba ahaiguru.

Naareeba omwe muribo naagyezaho, babiri nari bashatu omuribo nibagyezahokuruga omu runyiriri. Naagambira ahaiguru nti, "Mugume omu runyiriri." Bwanyima naaruga omu kworekwa.Kandi nkaba nyemereire omu kishengye, ningambira ahaiguru nti, "Mugume omu runyiriri."Orwo runyiriri.

110 Niinyebuuza,okutwarwa kwaherize kubaho? Ngire ngu Omugore yaaherize kwetwa? Nikyo turikurabamu eriizooba?

Omugore ashemereire kubumbwa n'okukorwa omu kishushani kya Kristo, kandi Kristo niwe Kigambo. Ekyo nikyo kintu kyonka. Mwareeba? Kiri Omwo, omu Kigambo. N'oku- . . . Mwareeba? Tikirikubaasika okwongyeraho ekintu nakimwe. Tarikubaasa kuba o-omukazi oine omukono gumwe nk'ogw'omushaija, kandi omukono ogundi nigushushana n'ekigyere ky'embwa.Naateekwa kubera kimwe Ekigambo kya Mukama, nk'oku Nawe ari Kigambo. Omugore n'ekicweka kya Kishwera. Omukazi n'ekicweka kya iba, 'habw'okuba akaihwa omuri iba. Haawa akaba ari ekicweka kya Adamu kuruga omu rubaju rwe. Kandi nikwo n'Omugore ari, taihirwe omu kigombe ky'ediini, kureka ahiirwe omu kifuba ky'Ekigambo kya Ruhanga ky'ebiro ebi.

111 Okutwarwa!

Enzamba ya Mukama eryagamba, abaafeereire omuri Kristo baryazooka,

Reero turyabagana aha kitinisa ky'okuzooka Kwe;

Obuabaatoorainwe bariteeranira omu Ka yaabo ahaiguru okwo omu kaabunga.

Amaziina ku garyetwa eseeri, twena ka tugyezeho Kubayo, banywani. Ruhanga abahe omugisha.

Kikagambwa. Nikiteekwa kubaho. Kiryabaho. Kandi bakte . . . [Ekicweka ky'orutambi rw'amaraka ekirihobusha-Omur.]

Bantu 'mwe, tihariho oyenda kufa. Tihariho oyenda ku-kubura. Ka mbagambire. Eki muraakore kyona . . . Tindikufayo oku murikuza aha kanisa kurungi, kandi n'oku muri abeesigwa omu kanisa. Ekyo ni kirungi; tindikukihakanisa. Mushemereire kuza aha kanisa. Ekyo mukikore. Mugumizemu nimuza aha kanisa.Kwonka, oku biri kwona, munagye hare emigyezo yaanyu, mugumirizemu kimwe mutaahe omuri Kristo.Ahakuba enzamba neeza kugamba rimwe aha mazooba aga, kandi nimwija kushangwamwine akamanyiso k'enyaishwa, kandi timurimanya eki kiri okuhitsya obu obwire buriba bwahweire.Ago n'amazima gonyini.

112 Ruhanga abahe omugisha. Munsaasire kubakyerereza. Kandi mwijukye. Naabakyerereza hanu obwire burasingwa munonga. Ago n'amazima. Kandi obuhwezi bwa rukundo obu mwahayo ahabwangye. . . Haza, timbashaire kukikora, ow'eishe-emwe. Obwo, mugyensi, obwo n'obufura. Mubutware mushashure hooteeri egi o-obwire obu naarenzyaho, 'habw'okuba naabakyerereza. Naaba nyine ebintu bikye hanu. Nyine nk'empapura munaana nari ikumi aha Kutwarwa okwo, kwonka ti-tinaatunga obwire kubibuurira. Ruhanga abahe omugisha.

Nimukunda Mukama Yesu? [Abateeraine baagira bati, "Amiina." -Omur.] Ka twemerere hati tuhunami ahabw'edakiika, tuhunami, n'obucureezi, kandi mwijukye ebi naagamba. Mwijukye, turi omu shaaha z'aha muheru.

Amahanga aga nigeecwamu ebicweka, Israeli neesisiimuka,
 Obumanyiso obu Baiburi yaaragwireho;
 Ebiro by'Abanyamahanga ebitsigaire ni bikye, n'ebirikutiinisa biijwiremu;
 "Mugarukye owaanyu, Y'eimwe, abataataine."

Ekiro ky'okucungurwa kiri haihi,
 Abantu bahahaire emitima ahabw'obwoba;
 Mwijure Omwoyo, amatabaaza gaanyu mugashemeze gabe gye,
 Mureebe ahaiguru, okucungurwa kwanyu kuri haihi.

Ekyo nimukimanya?

Baanabi b'ebishuba nibabeilha. Amazima ga Ruhanga nibaghakanisa.

Nitumanya nguebyo byona n'amazima. Tikwo? [Ekicweka ky'orutambi rw'amaraka ekirihho busha-Omur.]

Nimmukunda, Nimmukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gologosa.

Ni bangahé Abarikumukunda buzima. Mwimutsye emikono. Hati, niinyenda ngu, twaba nitukyeshongora omurundi ogundi, okwateomungaro z'omuntu okuhereire. Ogire oti, "Ruhanga akuhe omugisha, muhinguzi 'we.'" Turi abahinguzi. Tikwo? [Abateeraine baagira bati, "Amiina." -Omur.] Abahinguzi kandi abagyenyi.

Nimmukunda,

Nikyo ekyo, aha rubaju orundi rw'emeeza.

Nimmukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gologosa.

113 Nimwenda kuza omu Kutwarwa? [Abateeraine baagira bati, "Amiina." -Omur.] Ni bangahi abarikwenda kuza omu Kutwarwa? Mugire muti, "Ai Ruhanga, n'omutima gwangye gwona, niinyenda kuza omu kutwarwa."

Ramatira Aha Mukono Gwa Ruhanga Ogutahinduka, ekyo kyeshongoro nimukimanya? Nookimanya, ow'eishe-emwekazi? Ramatira Aha Mukono Gwa Ruhanga Ogutahinduka. Tindikumanya eki . . . Ekyo kirahi? Ha?

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

T'amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Mwakikunda?

Orugyendo rwaitu ku rurihwa,

Ku oraabe otwire ori omwesigwa ahari Ruhanga,

Eka yaawe omu Kitiinisa neija kuba nungi kandi erikumurinkana,

Amagara gaawe agaijwire okushemererwa garyagireeba!

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

T'amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Niinyenda ngumwinikye emitwe yaanyu akaanya kakye hati.

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

T'amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

114 Mwinikire emitwe yaanyu, nimwijuka eri shomo, nitumanya ngu twinikire emitwe yaitu aha mucuucuogu twaihirwemu, eizooba rimwe turyagugarukamu, noomanya ngu omuriwi harimu amagaraagaryeshoboororaho ahari Ruhanga. Kandi ku oraabe nooyehuriram u ngu toyeteekateekyeire okwo Kutwarwa, ku Kwakubaho ekiro eki, kandi orikwenda kwijukwa omu shaara, imutsya omukono gwawe kwonka. Titwine omwanya omu maisho gw'abantu kwijamu kwakiira Yesu. Rutaari yaawe eri omu mutima gwawe, oku biri kwona. Imutsya omukono gwawe, Ruhanga akuhe omugisha, iwe, iwe. Mugyenzi!

“Nimpurira nteeteekateekire, Ow'eishe-emwe Branham.Ni-ni, buzima, ni-ni-niinyenda kuba Omukristaayo.Ngyerizeho kuba we, beitu buriijo hariho ekirikubura.Ni-nimmanya ngu ti-tindi ahu shemereire kuba ndi.”

“Gira embabazi, Ai Ruhanga.Naimutsya omukono gwangye. Ngirira embabazi.”

Hati, emikono makumi abiri nari makumi ashatu baaherize kugijimutsya, omu kibiina kikye eki.Nibaimutsya endiijo.

115 Ruhanga omukundwa, Noomanya ekiri enyima y'egyo mikono, ahansi okwo omu mutima. Ninshaba, Ruhanga omukundwa. Hariho ekintu kimwe kyonka eki ndikujunaanwa, ekyo, n'okugamba Amazima. Mbwenu, Ruhanga omukundwa, nibenda kujunwa. Buzima nibenda. Ti-tibarikwenda ekintu eki ky'okukyamukirira kwonka, okuhangahanga, entwaza nanka y'ekigombe ky'ediini, enyikiriza nanka, enyegyesa y'ekigunjano nanka eyongyeirweho. Taata, nibeetegyerezangu nokyetaagisa Ekigambo kya Ruhanga ekishemeire, ekitafungwire. Ebendi byona biryahwaho, nangwa n'eiguru n'ensi, kwonka Kyotikirihwaho. Mbwenu ku turaabe turi ekyo Kigambo, ensi eryahwaho ahansi yeitu, kwonka itwe titurikubaasa kuhwaho, ahabw'okuba turi ekyo Kigambo, Omugore wa Kishwera.

Ninshabira buri omwe, ngu Okibakorere, Taata, okwo n'okushaba kwangye kw'amazima. Kandi onsaasire, Taata, ahabw'okujabiirira munonga ekiro eki, kwija hanu n'obwira nkyerereirwe, kandi-kandi nintetema, n'okugamba ebigambobitakwatainebiguragurukire. Omu muringo gumwe nari ogundi, Omwoyo Orikwera mukuru, biteerane hamwe omu muringo Gwawe gw'Obwaruhanga, reeroobite omu mitima y'abantu, kuruga omu mutima gwangye, n'enshonga n'ekigyendererwa ebiri omu mutima gwangye ebi nyine Ahariwe. Toraakikore, Mukama? Juna abo abarikubaasa kujunwa. Bairize haihi Naiwe, Mukama. Ninshaba ngutweteekateekyere egyo shaaha y'okutwarwa eri haihi kuhika. Ahabw'okuba naakishaba omu Iziina rya Yesu. Amiina.

Ruhanga abahe omugisha.

Hati, omukuru w'entebe w'o-w'oruteerane oru.



Obutumwa obu bukabuurirwa
William Marion Branham
 “... omu biro by'eiraka ...” Kush 10:7